

晚晴籀詩匯

第五八册

晚晴移詩匯卷一百五十目錄

錢應溥 六首

劉長佑 一首

趙崇慶 三首

許瑤光 二首

向光謙 四首

康曾定 三首

端木百祿 一首

莫庭芝 二首

李臯 一首

崇寶 二首

錢寶廉 四首

袁保恆 八首

孫衣言 十九首

俞樾 十一首

吳可讀 五首

張盛藻 三首

楊彝珍 十七首

周星譽 五首

尹耕雲 十一首

趙樹吉 十三首

李義鈞 四首

徐光第 五首

地時表言目分一三三一目金

薩大年 三首

黎學淵 二首

潘慎生 六首

賀祥麟 四首

王守毅 四首

陳世鎔 三首

董激鏡 三首

何盛矩 一首

傲木百類 一首

莫與芝 二首

向光編 四首

氣會安 三首

莊崇選 三首

符源光 二首

...

...

...

晚晴移詩匯卷一百五十

徐世昌

錢應溥字子密嘉興人道光己酉拔貢官至工部尙書

諡恭勤

詩話恭勤承甘泉鄉人之教温文篤厚咸豐之季乞歸侍父轉徙江表旋佐湘鄉幕章奏多出其手光緒中還直樞廷為醇賢親王所賞游陟正卿遂參大政引退還里一時朝局遷移獨無所牽掣條然以逝亦不易致也

放蜨詩和家人韻

絲蜨來何從穿花倍峭蒨伊誰折花枝起舞掠袂綠豔如
點黛螺輕如銜泥燕栩栩各知還又如客游倦不虞獨分
飛翻向箱籠眇弱翅觸四隅密網開三面逸態得昭蘇舊
侶若慰唁破鏡感重圓故劍珍百鍊文采本天生大化任

流轉料爾雙雙飛快逐東風便如何蟬翅黏無乃雀屏街
幸茲返故園時或來吟院陔蘭暢和風簾櫳好息宴分付
九張機貌爾五色綫不然伴仙蝶尋芳近郊甸太常寺大有仙蝶大
勝菜花村游蜂共潛見莊生妙齊物品勿論貴賤且賦逍
遙游待補仙巖傳

海昌孫吳二甄歌

孟冬坏城致令辟古甄出土苔花剔織文若布堅於石建
元分明紀天册其旁古泉惜不存或者大錢當干亦如工
名勒聞紀年下有古錢形為圻者毀去右方雖非手掌形積古堂外此無
敵儀徵阮氏積古堂藏天册元年甄右方有手掌形況有赤烏之甄脩盈尺先後
藏弄成合璧秦漢瓦當皆辟易我思仙人鐔名逞譎詭孫
郎收之肆諸市蒼龍門外神第立感志識緯大帝始石印

朱書喜泐銘孫繩祖武獨此爾吁嗟乎吳蜀相依如脣齒
蜀室既毀吳何恃魏宮銅雀亦瓦解司馬耽耽久虎視天
冊之際勢孤峙皓宗曷不承前軌木楨葦席堅壁壘疑城
再築張角倚金陵王氣壓九州那止揚州作天子橫江截
鎖飛將來玉石俱焚誰致此惜哉甄官得璽僅五紀江東
霸業長已矣豈如二甄逾千祀永與鹽官之城鎮海涖

高字甄

雲煙過眼百不有惟有篆刻留永久此甄斷蝕淪冰霜乃
以一字供收藏缺月隱霧光磷彬陶自何代工何人鞏如
磐石世所寶舊事或訪渤海陳海昌陳氏系出渤海舊得
吳惠贈渤海師相宣和硯
銘曰正立朝築城此日井幹勤彼執藝者功無焚我儕高
端鞏如磐石談通史傳籌海之圖幾曾見越山隔岸橫長巒孤城兀峙

迴狂瀾升高作賦興苦索惟以運甓忘嚴寒寒風怒號滄海立大波欲凍老蛟泣雪光濛濛陣雲黑遙思入蔡成奇策手撫此甄三太息寄語戎行須努力君不聞河上翱翔刺高克

曹水農甄

昨者摩挲孫吳甄甄文完好留紀年此甄何幸得相匹所惜款識難兼全上方剝落存日月亦如石闕之銘傳少室少室神道石闕銘有三月三日字而缺紀年誰欺作者曹水農勒石考成法嚴密我思二十并廿字體別古文省多叔重說廿有六年溯

秦碑源自考工故書出三十為卅其義同五經文字歸一

律陽月念五始誤廿宋人題名沿俗筆亭林謂以念為廿始於宋開業碑題

名詳金石文字記此甄點畫獨無訛結體雖非隸與科字有古法

自不磨流傳幾代今乃供搜羅吁嗟乎富貴過眼如奔濤
操鋤甘處賤且勞水農將無圻者流搏埴之名千載留甄
兮甄兮匣而藏之宜鑄圭璋字曹翁銘硯同位置曹種水
丈曾爲
大人銘金帶硯曰公玉帶但願三農年年大有樂租稅我
圖明堂匣而藏同圭璋亦坐擁硯田無惡歲

甲申浴佛日偕同直出西直門至極樂寺看海棠歸

途偶成

終年局促困轅駒一出郊坰景便殊樹色迎來青欲滴波
痕漾處碧平鋪嘉招不速賓皆主妙理同參釋亦儒多謝
天公眞解事昨宵吹垢雨如酥
莫嫌冷豔已殘妝相對忘言醉一觴地以遠塵稱極樂花
能殊衆是無香似聞道左流鶯語堪笑城南走馬忙難得

蕭閒逢此日歸來緩轡已斜陽

劉長佑字子默號蔭渠新甯人道光己酉拔貢官至雲
貴總督諡武慎有劉武慎公集

庚午新正初十日試筆

歸卧家園已兩年靜觀身世且倏然親人花鳥機同息
我詩篇樂自全往事都如風過水餘生猶及日中天老來
疏慵無他願贏得經畚舊業傳

趙崇慶字鐵筠太倉人道光己酉拔貢歷官貴州糧儲
道有松冠堂詩鈔

再入都門有疑以謁選來者賦詩爲笑

五雲罨畫繞蓬萊旭日天門詖蕩開買馬漫從吾輩始騎
驢還似去年來舊游獨指西山樹高會重攜北海杯席帽

未離今又盡寄言關吏莫相猜

讀陸南甯枕琴山館詩感賦

笳鼓軍門日日喧凝香太守亦戎軒少陵灑淚成詩史杜
牧憂時託罪言尙憶步虛窺海水誰能鑿空說河源鄭箋
莫是無人作獨對遺編愧九原

丙辰臘八夕夢仲弟

不成歸計但飄搖歲月惟應病榻消夢裏弟兄餘半面天
涯風雪是今宵死生隔絕一官誤涕淚縱橫萬里遙尙擬
手營除夕奠願君同醉蜀城燒

時從畢節移居蜀之敘永
酒是蜀城燒義山句也

許瑤光字雪門善化人道光己酉拔貢歷官嘉興知府

有雪門詩草

高郵道中

東坡先生詩集卷一百五十一
四
黃河回望白雲飛，璧社湖清秋浪微。
樹隱露祠迷過客，草連螢苑易斜暉。
一江紅葉雁初下，兩岸蘆花蟹正肥。
莫道來游春去久，繞陂煙雨尙霏霏。

八月

八月涼秋熱更乘，天心應爲桂花蒸。
香來鷺嶺蒼毛栗，熟到鴛湖沒角菱。
歸燕海村潮欲上，殘蟬江樹月初升。
魚龍雖冷雲霞豔，獨倚高樓最上層。

向光謙字梅修，湖南桃源人。道光己酉拔貢，官宣恩知縣，有秦人宅藏橐。

定州觀東坡雪浪石歌

楚南少人而多石，此語吾聞諸柳侯。
我亦自是石之一遠，尋石友來定州城。
北衆春園槐柳夾道綠，映門摳衣

直下石公拜安知中無蘇子魂黑白相錯石之文盛以芙蓉丈八盆惜哉無人作飛雨不見中流雪浪奔我爲若歌若起舞平泉木石在何許當時不遇蘇長公也應終古闕塵土獨恨楚石空嶙峋平生拂拭竟何人

穿石室

日月雙丸出風雷九地穿江山留漢室表裏見青天漲作神龍窟中通太乙船誰憐拳石腹曾飽五溪煙

久不得武陵周仙樵

維城

秀才消息

虎穴經時墮魚書亦未還聞從洞庭去直下秣陵關生死今誰卜妻孥涕共潛招魂餘舊雨日日唱刀環

九日偕王謝兩生渡江登綠蘿山

迢遞羣山湧綠蘿參差爍影掠江波攜來謝眺驚人句聽

晚晴雜言隨卷一百五十一
五
徹王郎斫地歌歲晚野風吹鬢髮秋高落木見關河茱萸
繫臂渾閒事避亂無方奈爾何

康曾定字少侯號麥生興縣人道光己酉拔貢河南候

補知縣

詩話麥生以詩古文名家从居李子和尚
書幕府數權大縣有政聲遺集無聞惜哉

渡淮水至翰東作

擊楫渡淮水晴波漾綠蘋估帆低落日津鼓急行人地僻
承凋劫時艱賴拊循近來風俗改牛犢滿村屯

信陽賢隱寺

出郭不數里遠聞清磬聲四圍山匝沓一徑石空鏗寺古
凋牆畫僧貧夏釜羹是誰充隱處應有佛知名

葵園阻雨

暑雨淹行旆芳園且駐驄幾曾來季札今日卧元龍山馬
能人語庭花帶酒容最宜窗拓處如蓋一青松

端木百祿字叔總青田人道光己酉拔貢候選直隸州
州判有石門山房詩鈔

舟泊石門登眺

一徑入晴翠孤亭支暮煙林深嵐氣合峯轉澗聲圓野客
攜樽過山童掃石眠欲尋謝公蹟絕壁有飛泉

莫庭芝字芷升獨山人道光己酉拔貢官思南教授有
青田山廬詩鈔

諸羅行

萬山絡索如盤蛇長林豐草森相遮胎生卵育不知幾千
年梟獍爭呀呀祝明克濟總荒忽漫溯譜系甯非誇自從

部曲通漢家日羅日鹵聲擎牙前朝賜姓豈無意要使斂
跡安鋤杷如何累世費征討竹兵皴脆徒喧嘩靄翠奢香
繼宣慰貴榮邦彥終擒拏逆節當身就誅絕順命厯代猶
恣嗟嗚呼殷鑑夫豈遐恃險憑陵真計差九驛頻年蔓殺
氣腥風撲鼻尸如麻紛紛攘臂競當轍輪下誰憐嗟怒蛙
渭水西偏接烏撒樹經斬伐初萌芽蠻酋若有動搖意狡
兔入窟休離豈嗚呼顛覆多前車漢郡山川何陋邪

亭子

幽蹊曲轉上層臺亭子憑高四壁開度嶺晴雲當檻落隔
江春樹冒城來乾坤納納閒舒眼風日蘇蘇數舉杯安得
草堂容懶慢不辭蓬鬢客中摧

李臯字子銘沔陽人道光己酉拔貢有子銘先生遺集

亂後返里

不惜奔波苦招邀返里門
頽垣留火色委骨認刀痕
大漠風聲惡荒原日氣昏
鄰翁相對語悽惻不堪論

崇實字樸山號惕盦滿洲旗人
道光庚戌進士改庶吉士授編修官
至刑部尙書署盛京將軍諡文勤有適

齋詩集

喜地山弟歸自甘肅

既出陰平道還從塞上來
相看雜悲喜握手轉疑猜
大地秋風起邊城畫角哀
干戈方滿目努力濟時才

廣元道上

千佛巖邊景物幽飛仙嶺上更堪游
山青水綠嘉陵道處處野花開石榴

錢寶廉字湘吟嘉善人道光庚戌進士改庶吉士授編

修官至刑部侍郎

詩話湘吟官司寇亭疑矜慎以仁恕著稱詩從容和雅猶有乾嘉諸老輩架燹曩與令子幹丞冰雪論交雲龍託契惜未嘗請讀其家集僅從轅軒續錄采摭一二由紀念羣輒有人琴之感

送鄧雙坡作郡江西

邕管烽煙近若何江鄉咫尺亦干戈欲歸我竟無山買此
去詩應似水多閨思定難拋錦字官聲何必在金坡相思
歷歷猶相見遙指豐城識太阿

送徐詠亭舅氏之官吳中

人生百寒暑能經幾離別一別動十年四十去如瞥甥舅
若舅季穉齒相蛩歷鎧屑復硯尾情境入夢咽去年京洛
來素衣淚痕溼今年向茗雪荆樹駭摧折母氏鮮兄弟門

祚懼衰茶努力加餐飯無爲百憂結

平生壯懷抱少小黔南游三年滯章門兩載依并州飢來
強驅人欲見嗟無由揮手一何暫去去燕山秋挾瑟歌吳
趨仰視南雲浮江湖盛兵革枳棘愁鋤耰浮名苦相絆蹙
若駒負鞮安得買青山歸卧滄江舟紫荆共環堵相與俱
白頭

沈君笠湖以農曹觀政東河同人集極樂寺爲餞卽
題其城南送別圖

海棠如錦照深杯十笏招提策馬來與子纏緜成強別爲
時珍重要清才宏農野水春無渡芒碭愁雲遠未開抔土
寸金嗟往事大隄楊柳待重栽

袁保恆字小午號筱塢項城人道光庚戌進士改庶吉

士授編修官至刑部侍郎諡文誠

詩話文誠弱冠入詞林從先德端敏公軍中夜佐草檄朝履行陣身經百戰名動九宸歷參合肥相陰軍事筦西征饋餉及以少司農內召立朝譽謬屢陳大計格守端敏家風光緒初晉豫人旱歲飢文誠奉詔旋豫督振以勞瘁卒詩不多作俊偉中見悱惻倍名臣之吐屬也

過韓侯嶺題壁

高帝眼中只兩雄淮陰國士與重瞳項王已死將軍在能
否無嫌到考終

驪山溫泉

荒椽短瓦日黃昏遺恨猶歸望帝魂
不管馬嵬寒徹骨華清池水至今溫

渡河

去入征西幕中流擊楫歌未聞秦亂定漸覺楚人多舊價

連城重新劓寶劍磨開誠慕諸葛刮目竟如何

山行

我非巢許流到此滌凡想青山無古今白雲自來往

自東郊移牡丹於廳事感賦

回首霓裳詠大羅春光無那醉顏酡劇憐仙骨飄零甚移
向金閨珍重多

觀奕自嘲

未肯空從壁上觀不辭心力爲君彈那知更被胸中惱從
此輸贏袖手看

感懷再疊董研樵觀察集杜祠韻

官拙長羈旅愁多轉信天救時無上策當路易爲賢未靖
三邊寇仍輸九府泉長吟惟抱膝如鏡對秦川

登六盤山絕頂

萬疊屏風帶夕曛孤峯突兀氣氤氳
神仙有道無人問涇渭殊源自此分
洞鶴舞殘千歲雪山花開絢半天
雲自慚使節頻來往宵旰何曾慰帝宸

孫衣言字劭聞一字琴西瑞安人道光庚戌進士改庶

吉士授編修歷官太僕寺卿有遜學齋詩鈔

詩話琴西庚戌廷試曾文正讀卷深賞之入直上書房擢侍讀屢陳兵事外任監司所至以廉能自厲不撓屈於權勢召用僕卿已逾六十遂不復出以著書自娛補輯永嘉學案編刊陳止齋葉水心二先生集平生論學宗宋儒喜述鄉先輩遺聞軼事詩嗜山谷所作有清夏之致

無錫泊舟望慧山

山色依篷窗落帆對脩嶺蜿蜒九龍山嵐霏卧幽靜樓觀
榭遠椒松竹掩人境石路林間暝霞姿天外永縛屐勇難

賈登高跡誰省清泉初出山雪甌堪淪茗坐久夜波生疎鐘白雲冷

晚由月湖出大江順風抵瓜州宿

枯蘆鳴蕭蕭布帆使其半騰波渺長空激箭失近岸焦山金碧城回首猶照爛雲表妙高臺樓觀屹霄漢南徐樹若浮北固青欲斷戀奇目無留迴睇神屢眩渺焉千里輕安得淩汗漫落帆向渡頭鐙火瓜洲宴

雨後

微雨窗外過庭柯出新沐檻戶依春風疏簾納餘綠氣候乘滋長生機日蔥蒨翫時適曠衷感物觸遙目我有礪中蘆南薰已芳馥白雲不出山依依在曾麓

短歌贈汪孟慈員外

喜孫

藏書十萬卷不能療朝飢仕宦二十年妻孥猶舖糜日種
梅花夜讀史世間賢者甯有此汪侯汪侯勿復愁榮華富
貴東流水

江上草堂歌

我家江上舊草堂七月八月蒹葭香秋江老翁燒楚竹生
致圍臍黃抱殼竭來長安飽黃塵門外白鷗笑殺人有田
有田龍山麓春收大麥夏收菽蒼頭釀酒眞珠紅長腰晚
炊白勝玉負鋤釋手還承歡金珪無分老亦足窗前老梅
腹如槎年年盛放霜中花花開撲地啄紅玉小禽踏枝一
身綠長安禿柳黃垂絲江上青山風雨時

艾至堂

暢

北度雁門圖

雁飛不度橐駝愁青山千仞截馬頭儒衣七尺北風疾白

日欲落關山秋單于臺高陵白樓長城故鬼鳴啾啾陰山
小兒汗血馬關弓欲射南幽州武靈結怨幾千載邊頭戰
血腥鬪體聖人飛龍起東極手挽扶桑拓西北陰方侍子
知詩書燕支婦女好顏色齊紈魯縞推小車客行飲酒餐
羊酥出門萬里不持刃三關比戶非危塗仲宣從軍自愁
思班超投筆徒區區書生來游壯士卧題詩石壁蛟龍紆
灘江行送蘇虛谷同年

汝謙

還桂林兼懷龔茂田

貞

君不見灘江江水零陵來虞山鳴玉千澗洞桂嶺青青接
繡嶺水光倒射馬王臺人家都在碧峯下萬松不動鳴如
雷君家此中結茅屋青山四時落酒杯飲酒但醉不願醒
灘江江水新潑醅何爲舍此不爲樂短衣匹馬隨塵埃塵

取耳余言 卷一百三十一
二
埃自古長安市五侯第宅連雲起知君腹中經世書少年
自欲干天子如何不見曲陽侯咫尺仍落銅龍樓鴛駘嘶
風飽食粟驂騮日暮飢垂頭幽州十月初見雪城南草盡
北風烈沙頭送客雙玉瓶驪駒蹴冰四蹄熱灘江江水眼
中好但恐照人顏色老扁舟一去真浩然瘦馬三年卻自
憐我家浙東更千里夢魂夜逐枯溪水今君歸隨秋雁飛
到家已及春風始春風春水生菰蒲灘江江水如五湖玻
璃汨漑三百頃爲君一洗塵衣裾碧桃作花柳綿白飄然
又醉山中廬爾時不覺開口笑世間萬事徒區區靈川老
龔好詩句別來一載今何如諸君自盡故鄉樂未知亦思
故人無灘江江水雙鯉魚幾時寄我空中書

華山雲送袁翼臣歸華陰

君卧華山雲我飲甌江春千山萬山不相見一朝握手長
安塵長安塵土牛馬走落落相看意殊否君言昔居華山
巔自掃落花住五年明星玉女并手搴十丈蓮黃河一綫
雲間來走入懷抱如空煙松花釀酒酌十斗醉呼李白看
青天丹砂不就不足惜奈何墮作馬上客客居蓬蒿青沒
門可憐但遭俗眼白我亦誤落塵埃間夜夢往往居青山
金齋玉膾不知愛祇有白鷗憐人頑燕山六月火雲厚蘆
溝橋邊萬行柳下馬折柳枝上馬看君走柳枝婀娜風吹
衣千山萬山獨回首今君仍卧華山雲華山雲亦長隨君
三花玉樹行可食羣仙笙管空中聞卻看明月雲臺上記
得相思有故人

夜中過召伯湖

聯珠集言卷一百五十一
三
暝色互蒼煙鳴榔去未已逝鳥沒無蹤前途尙幾里四顧
但溟濛那復辨洲沚卻望三星垂慘淡白在水客行涉江
湖性命委舟子夜深鼉鼉宮豈無波浪起篷背聞高歌和
者在柁尾危腸聊暫寬中宵屢憂喜

渡江

高帆挾風色我行凌長江金焦碧相映北固遙蒼蒼蛟龍
跋怒浪燕雀去未央中流快雄覽客懷慨以慷大江限南
北終古陽侯狂英雄昔割據恃此爲保疆本朝馭炎極親
軍留勁良承平二百載萬里澄扶桑島夷昔逆命長風驅
危檣機船突湫口礮火驚維揚當關萬貔虎昔壯今何恇
將軍苦逃死斂兵櫻城隍遂令藩衛撤開門納豺狼何來
萬鬼雄嘯笑鍾山陽懸軍入死地兵法非所詳安得習流

士據險扼其吭奈何事機誤重使毒餒張來時望卽走去
乃飽自颺豈必天險異或非人謀賊至今兵死血濁浪猶
元黃哀歌投江水風悲波浪浪

今昔行贈徐惇士同年

德元

憶昔與君初相見謝公亭上花如霰永嘉三月春滿城鳴
鳩乳燕皆新聲我來看花日百匝回鞭走馬如流星東山
下瞰一千尺直上絕頂吹玉笙鶯鶯驚起隔江浦片片飛
落梨花輕挂帆遂向錢塘去日日南風共征路夜深看月
嚴陵灘走上釣臺更百盤狂歌擊石弔皋羽江風颯颯吹
我寒十千買醉吳山頂杭州螻蟻聚萬井吳山山頭多白
雲下渡江水如魚鱗夜夢騎鯨掠蛟脊雙腳蹴破銀濤渾
西湖六月紅藕花扁舟逐浪隨傾斜艣聲軋軋入花裏綠

酒色變如春霞歸來滿街踏明月更逐絃管尋吳娃君也
去作集賢客我亦長安來射策春明門外復相見不惜黃
金出游劇城南花事何芬芳牡丹芍藥與海棠楊花滿地
逐馬尾十日換卻金縷黃陶然亭子高出城坐望西山生
夕陽我醉題詩在高壁淋漓淡墨時低昂坐使才名落燕
市亦有旁人笑我狂是時與君日游讌是時意氣誰不羨
逡巡金馬門天子不召見君也歸耕南山田我尙長安市
上眠夢迷不識江南路望遠愁絕剡門煙十年游倦思鄉
里扁舟依舊向滄海謝公亭前復見君醉我笑斫鯉魚尾
看花猶看昔年紅相向但憐鬢毛改乘興招我玉虹洞游名
平湖水綠生清秋船船打鼓鬪龍尾紅妝照水鴛鴦羞我
戲掉舟入其裏小娃三五嬌回頭我笑向君復拍手相約

明朝更載酒酒閒卻復愁蹉跎十年陳迹空摩挲當筵話
舊自厯厯可惜亦如東流波流波不相待促戚空爾爲卽
今握手不爲樂別離他日徒相思況復君家山水好千峰
雁蕩秀雲表明妝玉女笑向人下映空潭何窈窕且當爲
君十日留乘風東去觀瀧湫洞庭鷺黃天馬駒是時與君
同醉虛空縹緲之飛樓不知何處復有人間愁

華秋岳畫蘇子瞻夜游承天寺訪張懷民潤臣索詩
世間白日爭紅塵那識人境有清絕黃州禿翁物外游令
我喜對華岳筆西掖官居蓬島寒門前寫影萬琅玕盡日
清風無客至今宵明月與誰看

揚州

二月煙花奈客行小紅橋外雨初晴最憐明遠傷時後猶

有隋家水調聲六代山河殘雪盡早春城郭綠楊生千秋
嗚咽邗溝水入世樊川別有情

觀退朝諸公

垂楊覆御河輦路綠生波行馬鳴金勒林鴉散玉珂天垂
三殿迴人下五雲多共有蒼生慮許謨定若何

本深闡試甫出卽欲南歸詩以送行

相送巴陵客金門昨上書殘春臨驛路歸思逐江魚鄉國
干戈後文章涕淚餘只應松菊在猶足老樵漁

何子貞前輩見訪予適未下直卻柬

錦里先生來呼門癡兒走避僕僮喧能隨鷗鷺尋花竹苦
憶嘲詼接笑言萬里詩篇攜蜀棧幾人鸞鳳共清尊雞棲
騎馬歸偏晚獨對荷盤數雨痕

舟至邵伯鎮

浩浩長流日夜東
秋風落照倚孤篷
豺狼市上餘兵在
鰕菜街前百室空
幾輩長官雄劍佩
自至淮揚所見
連村子弟自刀弓
湖西白浪天無際
還有青山待醉翁
州縣多戎服者

十六日盱眙度山趨河上橋

昨朝湖外望遠黛
一眉彎今日山邊度
重岡百折閒修篁
紛碧綠淺水細迴環
處處門前犢為農
羨汝閒

辛未五月之朔張孝達太史

之洞潘伯寅侍郎集諸

名士於龍樹院為蒹葭移雅集
圖人各有詩南海

桂皓庭

文燦

兒子

詒讓

皆與焉皓庭來金陵索為

詩

高槐深柳藹風煙
勝事城南思渺然
帝里春光猶杜曲
秦

淮明月自尊前每懷丹禁多華髮又看青雲接妙年四海
晁張同輩少詩成吟與小斜川

俞樾字蔭甫號曲園德清人道光庚戌進士改庶吉士

授編修有春在堂詩編

詩話曲園經學大師東南耆碩初登第時覆試以花落春仍在之句為會文正所激賞擢置壓卷罷官後專力著書乃以春在名其堂所為詩不矜格調悉由宏博之才與學觸境而發稱意為言非尋章摘句者所可同日語也

項王墓

事去英雄此葬身千秋過者尙悲辛道旁氣壓秦皇帝帳
下情鍾虞美人已擲頭顱生贈客還留魂魄死成神彼蒼
原借驅除力便道天亡亦是真

蒼頡墓

蒼史墳前尙有碑當年造字擅神奇六書變體隨秦漢一
畫憑空本伏羲混沌忽開天亦喜文章多禍鬼先悲要從
皇古留真意不使人間獬豸知

結繩以後費經營體製於今幾變更不識何嘗非快活好
奇未免太聰明經書燒後無真本字母傳來半梵聲我輩
雕蟲徒碌碌可憐浪費楮先生

入都門口占

蓬山回首杳無痕重對長安酒一尊兵火餘生隨處好雲
霄故友幾人存舊巢歷歷猶能記破甑區區未足論海鳥
避風聊一至漫勞屬目魯東門

翁叔平侍郎以著草五十莖寄贈云惠陵所出也敬

紀以詩

昔臣奉使至於陳得著草於陳守臣云是太昊陵下出千

年抔土猶有神昔年陳州太守曾以伏羲著草見贈今以賓萌居吳下只共

場師藝梧櫝何圖日下故人來貽我靈著可盈把敬問此

著何處得非孔非姬其揆一地符天瑞非人爲近者新從

惠陵出先皇御宇十三年削平禍亂消戈鋌橋山弓劍闕

靈氣上爲卿雲下醴泉茵茁芝生不常有產此神著夫豈

偶古云著義取之耆定卜繇長昌厥後草莽小臣無一能

捧著不問沈與升惟從天意占中興萬年有道茲其徵

余於右台仙館隙地埋所著書彙封之崇三尺立石

識之題曰書冢李黼堂方伯桓用東坡石鼓歌韻

爲作書冢歌依韻和之

我生巳年月在丑至今已成六十叟人間歲月信如流金

烏飛騰玉兔走亮無上藥駐積齡空有虛名挂人口黃梁
已醒卅年前青史敢期千載後姓名聊可伴陽五學問翻
思傲歐九不栽王儉幕中蓮不折亞夫營外柳不隨市儈
逐錐刀不作枝官博升斗惟將青鐵硯爲田何必黃金印
懸肘竊從學海問源流冀爲經畚掃秕莠開卷居然自得
師閉門未覺吾無友茫茫墜緒撥秦灰厯厯方言徵楚藪
少昊氏官辨龍鳳安釐王豕發蝌蚪欲證夏鼎窺禹穴思
讀商盤問殷考妄冀驪珠自我探恥爲狗盜隨人嗾此中
淺深各有得亦如衢中置尊卣此中疑信每參半又如問
塗向矇眊只可沿澗水際湄豈能攀躋山巔嶺坐看精力
半生空竟積簡編三尺厚紛紛摹印徧蘇杭落落賞音問
誰某徒令紙價市中高見說流傳海外有雖然災禍到棗

梨或者眉壽頌栲杻世人得鼠欲嚇鳳幾輩畫虎翻成狗
我從前年賦悼亡此身嗒然如木偶歸真有室傍青山偕
老無人同白首荷鍤參軍便可埋摸金校尉何勞培右台
山下一蝸廬小有邱壑亦可取偶營書冢瘞殘橐巧借名
山代藏垢文冢姑援古人例墓田能否兒孫守螢光雪彩
聽長淪泉室夜臺期速朽爲君辛苦和蘇詩自唱輓歌非
自壽

落葉

掃盡巢痕舊燕鶯滿天霜氣曉來清平添夜月三分色略
減秋霖幾陣聲蔭暘竟違平日志歸根頗動暮年情頽唐
不學飛蓬樣嬾逐長風到處行

落木蕭蕭景最佳今年游屐欠安排亂山荒徑難尋路古

樹斜陽易感懷
做帚千金聊坐擁
斷琴三尺已深埋
此生不作南柯蟻
休問榮枯到大槐

恩恩節序九秋臨
無復花陰與柳陰
寒士衣裳未裁翦
美人詩句久銷沈
驚沙滾滾流難塞
伏莽重重跡轉深
莫向亭皋頻極目
蕭條千里總傷心

秋風不設護花鈴
任撲雲亭又水亭
辟荔牆垣猶有賸
梧桐院落最先聽
爛紅乾翠都堪惜
轉綠回黃不暫停
我亦人間一蒲柳
敢同松柏鬪遐齡

杭州瓊花歌

余前謂瓊花之與聚八仙二而一者也

則瓊花九朵而聚八仙入朵區以別矣余適以杭州瓊花歌課話經精舍諸子因走筆成此篇雖似考異郵仍是參同契耳

瓊花謂卽聚八仙
斯言未定然不然
譬如滿山紅躑躅
謂

卽鶴林之杜鵑將以此說爲是歟西施乃只直一錢將以
此說爲非歟邢尹原不分媼妍或謂聚八仙有子瓊花無
子異在此恐亦如麻有雄雌雌者爲苴雄者臬苴則有子
臬則無是亦陰陽之定理又況物類不可知區者萌者多
參差八月桂花無一子四季桂花子滿枝芭蕉之子亦罕
見閩廣甘蕉子離離尋常穀樹皆有子獨於斑穀則無之
如以子有無爲辨世間凡卉皆堪疑又謂其葉有分別瓊
花之葉光而潔聚八仙葉微有毛此其所論殊瑣屑虎薊
貓薊等薊耳一皺一光竟何說亦猶山林之民毛地土使
然非有劣乃今得見瓊花圖繪之者傳序者盧前明監察御史傳公
繪圖三山盧昭爲國朝周熙又重繪兩圖傳刻無模糊要
皆九朵非八朵竟與聚八仙懸殊八朵九朵既有別難云

一樣如雲茶將毋瓊花實仙種自元以後見者無陳源弄

巧已堪歎如以鶴頸來續鳧自命程嬰唐道士道士名大甯恐

其所存非趙孤作偽更有金丙瑞竟以贗鼎充昆吾瓊花

之論自此定誰言莫辨雌雄烏花下徘徊忽自笑按圖索

驥亦未肖天下之物惡能齊齊物莊周見未到自六十莖

至百莖不妨同受靈著號自十五萼至八萼不妨並入建

蘭考梔子之花固六出而入出者亦自妙桂樹之花同四

出而五出者亦不少即如雪花本六出翦水仙人同鬪巧

至於春雪則五出玉戲天公又改造雖云八朵九朵殊難

定上中下中表虛煩討論楊鐵崖楊詩云冷然墜下一枝香九朵攢頭自如玉又

云後人恐負無雙號八仙徒費咨嗟于少保于詩云愛爾

換取如瓊貌考訂甚明也奇花不與八仙同然忠蕃釐玉一叢肅實未見揚州舊植也宋鄭興裔辨瓊花一異三異苦探

討獨於八九置不言於意云何人莫曉老夫欲爲花解嘲
前人成見毋相膠洛以流坤吐地符河以通乾出天苞洛
出九疇河八卦八數九數分其曹要在乾坤之精蘊能得
其一皆足豪古之瓊花九疇數今之瓊花八卦爻奇偶陰
陽天所定雌雄牝牡物莫逃雌者有子雄無子無分俛羽
鱗介毛一奇一偶數旣判有子無子理亦昭乾坤苞符於
此洩豈一道士權能操我讀爾雅雖未熟蟲魚草木粗紀
錄唐蒙均號女蘿類椶櫚同稱木槿屬如必屑屑與分晰
安得老圃爲我告何者鹿蔥何者萱孰爲苦蕒孰爲菊矣
蓉菡萏今同名牡丹芍藥古一族古今時異物亦異未可
故見拘碌碌空山獨坐荒榛荆忽然滿眼皆瑤瓊九老未
能共談笑八公猶幸同年庚中卽虎賁旣近似玉環飛燕

毋相輕揚州瓊花不可見見此敢謂非瓊英走筆爲作瓊
花詠佳話應徧杭州城

吳可讀字柳堂號冶樵皋蘭人道光庚戌進士官御史

降吏部主事以五品例賜卹有攜雪堂集

詩話光緒己卯惠陵復土柳堂時自諫垣左授銓
曹請從工次大葬甫蕝事仰藥以殉遺疏請爲
宗立後下王大臣集議以本朝家法不立儲難之張
文襄及宗室竹坡侍郎諸人皆與議別疏論列請以
繼大統者卽爲穆宗子東朝納其言詔宣示中外
並獎柳堂以死建言孤忠可愍予以旌卹一時士大
夫誦其遺疏羣相傾仰表所居南橫
街舊宅歲時修祭遂與椒山比烈矣

除夕有感

又見新符換舊符百官此日醉屠蘇昇平歲月逢開寶戰
伐河山半楚吳小劫紅羊爭頃刻浮雲蒼狗極須臾年來
已分升沈定何必金錢卜菀枯

廿年浪跡逐浮萍回首觚棱夢欲醒佳節怱怱驚晚歲故
交落落已晨星送窮心事悲韓子張宴功名望狄青何處
梅花三弄笛隴頭嗚咽不堪聽

何事今宵酒不勝雲山北望記層層人歸白雪長城路馬
踏黃河兩岸冰落日寒煙秦輦道夕陽衰草漢諸陵茫茫
無限千秋恨都付西風一盞燈

彥亭節帥枉過

三邊景物報金風十里郊原獵火紅時逢秋闈紫塞草肥秋秣
馬烏桓月落夜懸弓廷傳鐵案鈔秦吏寺有浮圖識鄂公
愁絕西川舊父老干戈滿目說文翁

絕筆

回頭六十八年中往事空談愛與忠抔土已成黃帝鼎前

星預祝紫微宮相逢老輩寥寥甚到處先生好好同欲識
孤臣戀思處惠陵風雨薊門東
張盛藻字春陔又字君素枝江人道光庚戌進士歷官
御史有笠杖集

三游洞

探竒好怪入山行百尺懸巖萬古撐鑿斷雲根成石路飛
來雨點雜泉聲陰崖晝靜龍猶蟄仙洞春幽鼠不驚獨立
蒼茫尋舊蹟遠峯落日大江橫

將赴武昌舟次述懷

又逐西風事遠游煙波浩淼送輕舟行程早作歸程計今
月誰知古月愁新漲水痕因久雨微涼天氣近中秋生憎
銀漢層霄隔何處乘查問斗牛

登天姥峯

峯巒層疊起蒼翠撲人來怪石頻當路奔泉暗走雷倚松
招鶴至攜杖撥雲開清曉登天姥休將幻夢猜

楊彝珍字湘涵一字性農武陵人道光庚戌進士官兵

部主事有移芝室集

詩話移芝室詩樸質深厚藹然仁者之言薛庸菴稱其古淡中自然高綺其平日論詩以為古人無未闕之塗徑待我為之者但際遇不作指事類情必有性情身世置於其間若取古人之詞蹈沿之於己何當可以知其志矣

經公安

水閉孤城晝不開荒郊彌望浪成堆春深鴻雁離鄉遠日
暮鼉鼉繞郭來幾處敗垣浮折葦數家殘竈剩寒灰忍看
勸客當筵女拉雜繁絃淚迸摧

道中

墟抱孤煙遠村含薄暝遲馬危臨水路鵲定颭風枝濁酒
他鄉味殘春故國思風塵淹歲月十載負茅茨

孝感道中

雲擁春潮勢天懸晚雨聲孤煙浮市遠落照傍山明樹影
圍殘壘溪流繞故城時平無戰伐日暮尙心驚

歸家

歸眼辨鄉樹烏鵲聲先起入門強作歡務致慈懷喜褰簾
見我歸怡然笑啟齒不嗟蘇裘敝但覺萊衣美曖曖門閭
陰此生足徙倚今茲曠夙莫來日安可悔野菽有至味百
珍皆糠粃駕言尙焉求誓將斷塵軌

黃海華司馬屢促北上作此答之

徵車袞袞去如馳我似鹽車負難動三敗欲洗曹沫羞兩
則未蘇卞和痛騎驢旅食春幾經射虎短衣老可送況無
王猛捫蝨略空懷賈誼厝薪慟佩玉知難利走趨峩冠信
易遭嘲諷同里誰人作狗監居鄰有客求羊仲一生端與
藜藿親百年幸及雞豚供稍喜秔稻慶稔豐差免齏鹽嗟
屢空狼藉畫眉私自憐俦伶索棗嬌可弄花時酒熟醉莫
辭夢裏詩成醒能誦性如苦李得全真心似寒苞難破凍
行藏休就季主卜富貴早醒春夢君今半刺歎官閒行
剩一障爲時用幅巾容我頻往來新詩與子勤磨礪滄海
憂虞未可論名山事業知堪共他日儻結隱退廬團茅願
傍秦人洞

送郭筠仙之吉安幕兼簡陳岱雲太守

我似老牛苦旋磨春及東皋荒力作一幅烏巾常裹頭墨
丸日取齒脣浣君才本宜任世用橐筆何爲趨幕佐離亭
分手奚辭醉罌瓶幾見牆隅卧筵前深惜失詩流強留不
得情無那雨館憑誰慰岑寂孤吟難遣羈愁破陳侯陳侯
妙爲郡得君主畫可安坐湖山千里運指掌匪獨新吟與
賡和十年鍵戶爲何事一官無負窮廬餓好風儻送謳歌
聲舉杯聊向天涯賀

寄同年蕭史樓修撰

時好日以頗科法因之弊下品置晁董上第擢鍾衛繆種
滋流傳波點競妍媚不知筆吏徒奚贊庥明治吾子策天
廷褒然首揚對標望映倫伍聲譽震儕輩縑素奔其廬翰
札馳華裔豈以斯業進當由署行義計日履台省帷辰資

獻替憶昔鄉賦日瑞光照鎖試共占傑人出舉聲賀闈吏
魁甲猶尋常豈足應斯異儒碩有事業用才在天地緬彼
茶陵老流風猶未墜文章炳霄壤節概亦無愧君起嗣其
塵後先映當世匪惟光吾楚時艱賴宏濟方今國步康亦
復籌邊計犬羊意無厭深恐渝盟誓安得不世才起與正
敬器君趨供奉班賜對儻論事願更制舉法搜巖振幽滯

過李氏東園

數椽茅屋棲城曲門巷蕭蕭墜檐綠廚寒三日欲無煙時
有吟聲出叢竹南鄰華屋高入雲徵歌選舞日紛紛秋風
一夕生堂側屋角烏嗚不可聞

將歸示蘇生

春雨溼蓬徑得得楚音響皎然秀骨清照座何森爽氣欲

無一世小心親几杖引我突奧燭如作白日仰高觀洞古
今疑滯憑開朗月弦九見殼崇情歡夕賞歸心逼霜朔行
泛離舟槳不見六一翁惓惓徐無黨

日月驅春秋童艸易老醜有生後古人掃門甘奉帚指前
爭公襲寸美中何有好音過飄風同逐榮華朽爾來里曲
生文辭妙衆口鷲翰僞鳳鳴叢謗高邱阜賢愚去匪寸念
此顏無忸何物難灰塵大道堪淹久獨立向千載須我同
志友

晤孫芝房感賦

五載風塵與君別江湖日帶瘡痍色一樽相對雜悲喜不
堪流淚說鄉國憶昔逆旅並羸馬共有心期振溝瘠一朝
君起遇際會出入光明傍日月獨我竄身向江澨頻見蛟

龍翻窟宅可憐徒手莫援救坐使原野成蕭瑟只今不待
秋井塌嗟我白骨蔽城闕縱有遺黎理荒穢復苦高田作
龜坼時苦秋旱君也相視匪越秦對此能無動悽惻歸朝好作
監門圖應有春風灑中澤

寄鄭子尹廣文卽次其集中宛字韻

故山巖谷帶窈窕布襪青鞋事深討不辭身世墮黃菅忍
使王風歸蔓草官如敝屣不自惜局似殘碁差可了未昏
羽就叢薄宿已涼葉抱危柯槁所歎補牢計已遲方咎徙
薪謀不早動地惟聞戰鼓悲連天莫遣妖氛掃川光晃帶
人血赤野色晴連煙燧曉飄颻何地置老夫蕭疎亂髮垂
蓬葆朋舊凋亡遠書絕鄰里過從近局少一髮黔山出天
角幾回西望升林杪獨角驚傳鉅野獸再鳴喜聽岐山鳥

新詩出手已懷慚陋姿對鏡先含惱入室豈能造庖福掃
門或許儕傭保頻夢形容得彷彿猥誦清詩喜傾倒組織
諸綺散奇麗彫刻衆形炫工巧誰憐寢處傍宮牆不免鼓
鐘煩擊考累月常嗟梁肉缺秋風日送鬢絲老草中自古
來異人塞上於今求國寶休勞司業餽酒錢會見行人具
芻藁褰裳儻共莫髯往從事無如會侯好千里何辭聘應
梁再拜聊爲策贈繞我如斥鷃翔蓬蒿性似爰居安海島
行把釣竿拂煙霧君視我頭爲誰掉

阻風洞庭登君山紀事感懷得三十八韻並寄都門
諸友

狐兔縱橫裹龍蛇戰鬪中勳名諸將顯事業腐儒空橫草
功難就穿楊技未工無能誇汗馬只解悟雕蟲不免文驚

衆難辭謗集躬高冠我自異奇服指從同甘作支離叟憑
嘲潦倒翁茫茫存老眼鬱鬱抱微衷戎捲歸旗白林銷夕
燧紅芳情馳澤國繭足倦煙叢欲向水雲老將隨漁釣終
生涯憑舴艋鋒鏑避朦朧浩蕩如浮梗飄飄若斷蓬磯方
迎白馬浦早過青楓舟滯君山雨帆禁石女風杖藜尋古
寺導徑得奚童匝樹驚禽噪蹲巖異獸雄書疑藏委宛仙
擬遇崆峒爲采斑爛竹欲絙摧折桐餘悽含帝子軼事說
龍公苔蘚侵殘座鼉鼉窟舊宮遺珠拋的礫怪石拾玲瓏
烏影千羣集鷗波四面通微颺生拂拂落景惜怱怱憶昨
黃巾亂沿湖赤羽充岸排旌旆直渚蕪茨葭豐指授文儒
略飛騰上將功軍聲摧籜隕士氣飲醪融偉伐中興烈殊
庸常武隆擬投湘浦甲欲掛楚人弓忽漬沾巾淚徒傳刺

臂忠將星宵頓隕，蚩霧晝猶蒙。笳鼓喧江介，戈鋌接海東。
守關無虎豹，捕虜少羆熊。未見清和理，惟虞反側訐。且憂
螟害穉，兼慮莽興戎。臺閣多鴻鷺，郊原盡雁鴻。能令有環
堵，不惜杜陵窮。

健兒

野日白荒原，風寒悽悽健兒將。東征阿母牽裾嗾健兒，
語阿母送我休泣血。我行一無苦，骨肉恩豈絕。軍行千里，
憑留連旌竿杳杳，彌平川行舟驚散如鳧鴨。偶然落手攔
索錢，得飽還就倡樓宿。市人誰敢訶醉眠，此行良自愛何
忍投虎口。主將千金軀，亦欲尾賊後。時張虛捷報甘泉歸，
來自有印懸肘。上堂再拜爲母壽，誰識當年舊屠狗。
三星低戶月挂柳，健兒卻扇擁新婦。平明跨馬出從軍，新

婦泣嗷斜倚門鄰媪語新婦卿勿怨離別良人樹功勳炙
手勢可熱新婦殷勤謝鄰媪多君慰我我增惱不見西家
年少郎往歲荷戈向南討歸時黃金大如餅買得佳人如
玉好故人無語泣空房獨對深宵鐙燭光何如長炊屢屢
老白頭貧賤無相忘不然苦戰沙場久碧血千年猶不朽
洞房我亦甘獨守

簡求闕翁

竊聞詩以諷刺為主雅多戒誨之辭古義云淪其風斯下匪假此為羔雁即藉是為

瓊瑤成仕進之階梯作往來之投報浩蕩一體苦
薄俗之難回繁猥連篇為鄙集所未有屬干戈之
欲定幸井里之克完得保餘生厥由大賜辱有甘
年之舊絕無眾人之求夫何嫌疑不形詠歎敢附
輿人之誦並寓魯女之吟用以補夫高明藉獲免
於杌隉至其中忽誌哀愴有傷婉變等歌詩之不
類比行人之失詞然吉甫美韓且及諸娣奚斯誦
魯亦舉令妻其旨雖殊於例則一匪取闕靡聊代
遣懷云爾

一卧滄江晚修門未可回居原依在渚人欲號徂徠養拙
全樗櫟康時賴蘖梅幾年成契闊廿載荷滋培雲樹莽修
阻烟波勞溯洄憶初通縞紵辱與訂岑苔共策天街騎同
傾旅館酷新詩出游衍妙理散談詠欲使皇風暢因將賢
路恢程材由品目射策倚衡裁下駟蒙加睠凡鱗獲曝腮
頗深知己感翻啟衆人哈北面堅辭拜西清濫許陪籥雲
旋駐軫放溜遽眠桅佐膾思莼菜添薪仰檜材管難投不
律冠早挂毋追公獨留宣室朝爭仰斗魁青蒲時俯伏丹
陛日徘徊瀕洞烽塵起縱橫羽檄催道交豺虎跡澤集雁
鴻哀匍匐扶桐杖蒼黃著墨線有詞託金革灑淚事行枚
廣取才豈布頻煩將轂推密謀周井竈遺策采瓶罍鎖截
千尋斷山燔半壁摧旄旗翩偃月徒旅怒燁雷江漢功歸

召元和相得裴高名動寥廓巨製勒崔嵬尙屈蕃宣寄還
資變理才長城何隱若大纛自雄哉二氣容調鼎三歸好
築臺神還逢洛浦仙竟遇天台倚檻描螺黛如臬射雉媒
綢繆成燕婉窈窕昵于懸樓靜蕭聲渺堂空簾影開哀來
遣絲竹泣盡繼瓊瑰勿復金爲屋休將錦作堆勉匡天步
正冀挽日車頽上帝猶沈醉陽侯尙鼓災橫流杭乏葦逼
榻國嫌槐表餌非完計羈縻是禍胎漫填虛牝欲徒竭小
東財海露桑田啜春枯黍谷芟元穹防倚杵浩劫恐飛灰
碩畫憑廊廟私憂在草萊連朝瞻五老永夜望三能乍斂
山城霧方清驛路埃蓼波紅瑟瑟蘆雪白皚皚儻命安輿
至當驚揖客來形容應莫辨氣誼自無猜定與題襟會兼
斟飲至杯若教他役我仍擬鑿顏坏

季眉觀察出生輓詩索和久無以應適舟泊沅江因
次吳南屏學博題仙亭倚醉圖詩韻奉答兼寄南

屏岳州

羽人不死居仙鄉玉函多貯長生方試往求之隔瀛海渺
焉不免嗟汪洋人生百年總蛻化纍纍塚並青山昂造物
偶遺自有意莫嫌鬢雪思遮藏若令蚤暮獲聞道奚辭委
骨山之陽默數故人餘有幾年來多赴松柏岡獨我與子
經喪亂餘生尙見鬚眉蒼老去安心耽靜域閒來習靜憎
歡場聞道去年屆周甲烽煙正喜清南疆賀客填門舉壽
罍當筵盡佩茱萸囊君生辰在九月先生再拜謝祝嘏命奴置硯
迎風廊但乞吟儕作楚些侑樽聊佐松醪香差免隻雞與
斗酒他年再薦橋公觴哀吟不妨詠山鬼醉舞共許成詩

狂竭來往弔魏城墓有淚暗墮棠梨旁猶憶東風初覲面

不禁腸斷悲王昌君悼亡詩有尙憶東風覲面初之句賢豪作達一生死何

為苦悼金蟬涼仙亭倚醉有勝概臨風令我懷荷塘南屏居荷

塘差年較我一歲長南屏長久要白首渾難忘徑當放棹

遠相訪塔間鈴語休丁當

周星譽字昀叔一字叔芸祥符籍浙江山陰人道光庚

戌進士改庶吉士授編修歷官廣東鹽運使有鷗堂

贖稟

譚復堂曰昀叔少擅高名而遠想宏域詩文俊逸屬草逾年月輒削弃之涉筆精超使人意遠今惟栗香叢書刻東瀕詩數十篇高接中唐次亦似明季嘉定四家之流日記二卷往往似世說新語

集寄公房次少陵宿贊公土室第二首韻

雲過溪花陰日午山鳥靜禪心澹鑪煙寫以風竹影垂幰

對清晝談味與之永松雪陶冰廚茶夢漱涪井響然祖謝
徒山志夙所秉上人抱元律氣與秋雪迴渺茲雲水區遠
意落清潁黃冠儻許乞終約遂幽屏歸舟破湖陰缺月半
銜嶺淦淦涼翠痕已蘸鷺絲頂

渭長乞予畫扇醉中走筆寫水仙靈芝

君自畫君畫我自畫我詩我肩自能攀不能效先施造詣
雖不同各抱千古思清氣孕肝膈卽物皆吾師濯我塵土
筆寫君冰雪姿娟娟採珠人蕉萃荒江湄我欲招之來貽
以雙紫芝相期宛洛間耕煙驂青螭結佩貞歲寒此意君
儻知

曉發紫荆關

曙角散邊聲重關俯杳冥雁羣低若黑馬色接天青日馭

迴西極雲開見北庭九京松柏樹蕭颯不堪聽

雨次上渠灘

江風捲地散蠅蟲溼翠堆篷曙不分遠峽猿聲青隔雨陰
崖蛟氣白連雲一官憔悴投荒錄萬里悽涼誓墓文十口

長饑行李乏媿他豪客夜知聞

時有盜警

丙子二月夜泊南鄉即景

舵樓晚飯古榕陰擁鼻篷窗效越吟月氣曉紅知晝熱江
光夜碧覺春深蒸溪霧毒蛇懸樹掠徑風香麝出林七載
瘴鄉青鬢改浮家常繫故園心

尹耕雲字瞻甫號杏農江蘇桃源人道光庚戌進士授

禮部主事歷官河南河陝汝道有心白日齋集

詩話杏農有經世才咸豐中在諫垣封章數十上論
軍事多被採納忤權貴以科場案降官後復起佐河

南戎幕頗有建樹詩伉爽沈鬱類其爲人如支撐亂
後封疆易調護軍中將帥難時來將帥都論命老去
英雄只著書
皆非常語

淮樓聽雨圖爲符南樵

葆森

作

淮流日夜向江海淮上高樓屹然在朱甍畫棟照中原人
世幾經雲物改荆溪鬱鬱霸王略虎嘯龍吟付寥廓詩人
猛士盡奔走萬象飛揚入杯杓符子才名員半千芒屨踏
破九州煙每當風雨樓中夜上下論心五百年青山宿草
黃泉錮崢嶸百尺談經處亂後方思頗牧賢生前苦被金
張妬雨聲寂寞琴聲絕籍湜韓門有遺子休問先生講席
荒可憐弟子頭如雪黃鶴磯頭苦戰塵臨春結綺委荆榛
卽今吳楚干戈滿嗟爾長安乞食人

小集城南花之寺送朱伯韓前輩出都

三年謁選滯長安短髮蕭慘旅鬢殘老不低頭猶倔強病
忘瘖口說孤寒支撐亂後封疆易調護軍中將帥難功過
卽今將定論冰壺懷抱任人看

答王壬秋高碧湄蔡與循見貽之作

秋色三宵迴端居百感侵疏狂倚寬政仕宦損初心節物
愁中老人煙雨外深無端鄉思切莊舄正高吟

題馮林一侍講桂芬鄧尉山廬著書圖

天地風塵幾草廬銅坑山下閉門居時來將相都論命老
去英雄只著書吳會浮雲蒼狗後林一因均田頗為鄉人所謗具區秋
水白鷗初尋君便放煙波權七十二峯來釣魚

登山至大悲寺舍騎步行達龍王堂

駿足有窮處芒屨凌丹梯不知所歷高但覺天容低躩身

入無境迴首迷故蹊
遡澗蔽圓景攀巖窺
陽曦相違咫尺間
明晦殊參差落葉紛
四山樵蘇供羣黎
奈何山中僧啟闔
頗有時牧兒藉草坐
牛羊滿山陂何當息
塵駕從汝相遨嬉

翠微山房對月

松柏蔽廣椒薜蘿翳幽戶
夜氣澄沈寥煙光澹林莽
警咳偶一聲四山欲相語
默思塵世容變態亦何取
晨眉方修蛾夕步已猛虎
我拙百無營迹避鐘鼓
天高月正中星斗稀可數
屏息游太初氣象見上古
陟降儼在庭敢云不聞
覩安得終日心常如此有主

喜雪和許海秋獨游龍樹寺韻

寸抱久紆鬱及茲一疎散
物象滋悅愉吾生遠愁歎
京師

聯珠詩話卷一百五十一
三
視萬方形勢喻枝幹去冬郊原赭緯未望將斷四山雲忽
同后土白已漫消息筦天人齋宮喜申旦
幽人與飛鳥出門共所向破除世網跼豁達天倪暢危樓
根青冥高空列屏障俯身視荒澤葭菼色悽愴會心匪一
棕遇物得萬狀領君絃外音寥寥契牙曠

香山寺

我聞香山老居士欲來此地爲閒人伊川中流闕對峙三
秋雲物清且新先生不歸履道宅潭月巖風數晨夕娑娑
九老會何所漠漠廚煙冷香積殘碑斷碣俱無有畫圖獨
認西崖叟

寺有湯西崖少
宰畫像石刻

西崖已不識香山我更來當百

年後關中羣盜方傳箭青袍白馬紛然徧一尊且自放高
歌十道誰知正酣戰人生會合豈有常今日露華明日霜

眼前若得放舟去此水東流經故鄉

贈周石君卽用其集中周字韻

分明火色鳶肩客不信無人識馬周運去文章如土芥時
危僕豎忽公侯豺狼氣壓荒郊靜雁鶩聲孤大澤秋相與
一尊談往事春明回首不勝愁

許昌歲暮有懷

雨雪關河道阻躋無情清潁日東西白頭鄉夢縈兒女赤
手危疆怨鼓鼙急事有誰歌采艾覆羹無補到吹齋側身
北望天軒輕鸞鳳於今不定棲

趙樹吉字沅青宜賓人道光庚戌進士改庶吉士授編

修厯官雲南迤西道有郃鄆山房集

詩話沅青居諫垣時數論時政彈劾驕帥頗尙風節
投老邊荒意緒牢落不久告歸詩才茂美託旨深長

當時蜀中詩家推為巨擘自有句云老病不堪金碧使風流還媿那那詞李西樞詩名那那集時人以之並稱也

贈高生

西江山水秀巉絕高生晚出殊奇佻少年從軍縛袴褶鷲若乳贖當羸駘匡廬落日揖帥府帳前動色誇雄才解鞍三載逐計吏素衣幾日生緇埃廟堂儲英重芸館拔擢鼂賈登鄒枚鳳池奪汝竟何意百不一試誰能猜平生讐恥徒耿耿湛盧繡澀空牆苔心如絳蠟一寸短中有萬淚難成灰腐儒官貧日掃軌昏昏夢墮故紙堆旁人大笑不肯顧獨能折節無擠排園居相距三十里我不一去君頻來論詩說劍氣旁魄賦怪僮僕藏嬰孩朝為百篇暮千首往往劖刻造化胎昨從西麓造深翠出入霞雪旋羸瘳眼明

梯空望南嶽春陰迷合從無階竭來告我欲東逝湖口有
田多芋魁丈夫頗領不稱意力耕墾畝甯沈埋艱虞世宙
足憂患印纍綬若知誰佳高生高生願爾爲不材犧尊青
黃天所災

曾滌生師奉命督師江南

百戰孤軍在臨危用乃神諸侯皆秉鉞聖主自知人兵氣
纏吳會天威仗老臣詔書信懃懃喜極欲沾巾
痛哭祁連冢春蕪漬淚痕長城千里壞荒郡幾家存有地
徵輸急無功將吏尊樓船早下瀨旦夕縛孫恩

答王霞舉兵部

素女彈瑤瑟絲寡絃乃悲焉知壯士懷淒若窈窕思羲和
驟北馭萬象無春交孤芳擢冰雪榮悴理亦齊歌君寒梅

句慤焉感生遲

日出役羣動嚮晦懷孤憂心如張風帆瀕洞不可收文書
強遮眼失笑禹稷儔飢飽弗自救形瘁神亦休漆園有隱
叟沈洋恣千秋

員嶠

員嶠方壺迹已灰龍鱗曾見日華開一從白馬朝天後無
復青驪按轡回黃竹雪深瑤水遠蒼梧雲黯夜絃哀孤臣
灑涕周廬外原廟衣冠鎖綠槐

端午節前三日門人溫味秋王艾堂譚序初曹朗川
諸子招飲龍樹寺分韻得佳字

驚沙三日吹疾颿高城曠曠陰且霾城南古寺入葭莢摩
雲老榦森龍槐五年不到少人迹時見烏雀馴空階登樓

曠蕩愁遠目把酒鬱翠傷孤懷昆侖北折赴恆碣三山隱
見浮蓬萊蒼鸞白鳳竟安在珠宮貝闕餘寒灰前軒塵上
黃萸旬鐵騎遠般空中雷似聞飢虎尙垂明灞上練卒馳
庚牌祆氛滿地殊未已感時倦眼重摩揩自經變故廢游
讌舊朋散落江湖涯范君一別便千載山陽聞笛增心哀
岷峨靈氣況堙鬱造化作意摧邊才遜翁遷謫行且去桂
嶺已辦雙青鞵金花翠尾詎辭辱狙囊憑黠憂擠排死生
契闊迺如此靜觀兆朕疑非佳憶初釋褐尙清晏追涼蘭
若多同儕當時慘緣居末坐百罰未肯辭深杯只今壯大
氣欲盡往往獨醒如清齋冠簪欲謝幾濡忍尙念仙仗崆
峒回宣光中興果再覩荷鍤便可劉伶埋天門虎豹呼不
開長歌被酒還歸來人生早達胡爲哉吁嗟吾黨二三子

努力作誦平徐淮

次和定甫臺長病起韻

終歲羈空阜遲迴惜素心艱難通性命去住各浮沈危葉
知嚴叢荒苔戀故岑看君抱高節風雪閉門深
脫繡常辭客因痾得數游丹鉛猶矻矻謗譽漫悠悠上界
足官府散仙誰侶儔似聞舐餘鼎雞犬已丹邱
藤老奇疆亞花低短竹圍冰霜催急景蘭芷變春菲搖落
關時晚孤芳與物違靜中觀化理長羨遂初衣
論史存微尚臨池愛獨居香多黏藥裏聲疾過帷車心事
江湖遠詩篇戰伐餘卻憐河上叟鞅掌久無書

上大關腦

祇知秦蜀雲棧緣秋毫不知烏蒙梯石凌黔霄偉哉造物

逞荒怪鑪鞴磊塊如鎔膏煙蕤雨蝕頑不化萬古積此青
岩巖崩崖破裂走蛟虺細路詰屈愁猿獠自從莊躑震銅
鼓六詔漸見通星輶上如蝸黏下兔脫坐令人馬同疲勞
我來卻度大關嶺正值淫雨蒸炎歊洶洶怒雷轉腳底草
棘翳蒼鳶鴟號徑盤之字四十八五步一折漿流散垂趾
二分儼在外失墜直恐隨狂濤輿夫狼狽僕無色我亦瑟
縮疑藏逃平生履險久已慣視此何啻九牛毛陟巔回望
渺人物但見蟻負緣蓬蒿夜來魂夢不到地飛駕時與山
雲高磨崖他日待銘勒作詩一笑聊自豪

鹽井渡鐵鎖橋用東坡東新橋詩韻

亂山連熨道巨刃摩雲霓裂爲千尺澗雁此奔雷谿經營
窮匠術坐見椽杙低何人鑄鐵索橫波貫虹隄銀鑄互鉤

連專車骨相擠至今化康莊利盡溟東西我行值暑雨出
淖容輕躋濤瀾翻脚底霧散馳千蹶惜哉碑碣缺歲月不
可稽昔聞刀墨亂聚若沙中鷺誰令失此險漸構公輪梯
滋蔓到吾蜀曳尾終塗泥齒冷及行路色變談中閨十年
風電過刀劍不復攜往來似潮汐茅店催荒雞歷劫永弗
壞詎數三石犀他年持節還慰勞看扶藜猶能學逸少輕
煤孳麝臍

李羲鈞字稚和任邳人道光庚戌進士改庶吉士授編
修歷官陝西陝安道有無近名齋詩橐

鄆城和壁間韻

華髮愁潘令窮途哭阮生南風吹夢處昨夜到春明慷慨
銅琶曲淒涼錦瑟聲聳隅成底事俛仰愧時名

長爲彈鋏客不作棄繻生苦調增三疊狂歌憶四明花前
連理曲月下步虛聲往事都陳跡惟應以酒名

張椒雲前輩北山歸隱圖次韻

乞身終擬達重闈想像歸來松菊存花藥一庭收遠志圖
書萬卷付長恩可須索米從仁祖會見栽楊出義孫枌社
儻容陪近局青山把酒對開軒

答曹蕤江明府疊韻

板屋頻年賦小戎夢迴鈴索憶丁東斗箕身命奇難偶華
葉溫寒變不同歲月半消塵鞅裏動名都付酒杯中三朝
養士成孤負畎畝空懸捧日衷

徐光第字春衢蕭山人道光庚戌進士官河南知縣有

含清堂詩存

形勝卷言四十一百五十一
三
游拈花寺有感

鳳舞龍飛下九天拈花兩字至今傳千峯隱約危闌外萬
柳蕭疎落照邊修禊幾經名士醉吐茵曾說相公賢蓮塘
花嶼今何處回首山門一惘然

初冬感事

料峭新寒透敝袍撫時感觸首頻搔禽知雪意凌晨噪樹
挾風威徹夜號豈爲乏薪燃論語直須飲酒讀離騷近來
世事渾難測莫待亡羊始補牢

登惠山絕頂望太湖

三萬六千頃蒼茫到眼前身如入圖畫山欲化雲煙不速
來孤客初嘗第二泉何當隨范蠡快泛五湖船

登捍海塘西望杭州諸山

水天渺渺雁流哀海國冬溫霽色開潮落沙痕連草沒雲
移塔影過江來殘山一角悲陳迹強弩三千憶霸才今古
滄桑凡幾易欲因清淺問蓬萊

題汝陽旅壁

幾日裝纜卻依然踏雪泥言驅冀北馬來聽汝南雞小市
鐙初試芳原柳欲黃春風應笑我何事厭山棲

薩大年字蘭臺侯官人道光庚戌進士有荔影堂詩鈔

四皓墓

雲白巖青好避秦鬚眉翻作漢功臣何因多事商山老不
及桃源洞裏人

文姬歸漢圖

朔風吹雪野茫茫一曲胡笳淚萬行猶勝琵琶愁出塞李

陵臺畔月如霜

不惜千金贖蔡姝阿瞞高義古今無獨憐他日王髦劍北海何曾賞兩雛

黎學淵字仲潛號靜菴羅山人舉人官內閣中書有鐵琴書室詩鈔

秋雨

涼雲漠漠雨瀟瀟無那秋窗坐寂寥此夜不堪聞絡緯有人深悔種芭蕉關河布被驚寒擁燈火金閨帶淚挑莫唱吳孃舊詞曲憐他青鬢已曾凋

題奇女李奉貞傳

守貞得道豈騰空娘子軍來竟死忠雪甲木蘭違膝下星辰蘇蕙了胸中妖氛匝地屯黃霧雌霓經天變白虹已奉

瑤池金母勅迎歸笙鶴易遷宮

潘慎生字子春宛平籍懷甯人舉人有徵息齋遺詩

曉發蕪湖

殘笛鳩茲路銀河耿未收江帆涼近月夜水白沈樓樹出
天門曉潮生海國秋鄉園西望近歸夢滿吳頭

晚登白鶴峯亭子眺望有懷殷子徵京師

鳥道盤空霧雨懸樓臺縹緲入江煙雲開樹色分瀾嶽浪
捲秋聲落海天京國飛鴻人萬里滄洲騎鶴事千年何當
共醉中山酒晞髮扶桑逐散仙

懷方存之

簾閣對春酒落花方有餘蕭蕭寒食雨寂寂子雲居香草
懷人夜青春解珮初國風終古意應自惜璠璣

寄懷朱文伯韓侍御桂林

雪後尖風翦傲裘衝寒獨望潞河舟將詩更惹唐衢哭每
飯難消杜甫愁國士聲從名宦重諫臣書待史官收中年
好種山田豆人近蒼梧易白頭

秋夜姑孰舟中作

雲淨星河轉玉繩沙村人語夜天澂露華白滿香街屋江
影紅添水市鐙畫角秋聲千里路青山禪夢六朝僧相思
應共西城月直送寒潮下秣陵

憶存之

東風吹綠過揚子水調闌珊暮雨時折柳天涯聞玉笛飛
花南國唱楊枝春山荷鍤情何限彌勒同龕願豈遲江左
清華搖落後白頭空詠四愁詩

賀祥麟字麓僑瀏陽人舉人官雲龍知州有有真意齋

詩集

詩話麓僑詩益陽湯海秋深稱之善化周荇農序其集云先生所為詩氣體雍穆風骨整峻感來述往興寄無端不鉤章棘句以炫奇不剽竊撫襲以貌古不塗附裝積以震博瀏陽劉良生序則謂其作吏數十年清貧如布衣尤令人想見其為人今集中有落齒漫成一首雖似以文為詩然頗極談詭之趣而能不失其正洵奇作也

牛鼎歌用昌黎石鼓歌韻

鼎存豐潤學宮

岐陽石鼓置太學昌黎以後多詩歌三代法物輓近少士
縱好古將如何此鼎傳自宋金出時方講藝投干戈經始
鬻序闢榛莽長鑱大鍤相治磨神牛奮地殷發吼跡聲所
至深爬羅至寶返受俗眼白猥以培婁觀岷峨雨淋風刮
委牆角誰其朋錫珍莪阿夜深虹氣燭天紫六丁神將陰

搗呵取易筮之卦遇鼎大亨養聖詞非訛菜釋先師薦芹
藻書分孔壁文蚪蚪諸生以時入習禮旗奉翠鳳鼓建鼉
圍橋觀者億萬計光耀奚翅珊瑚柯神物位置信得所雙
丸坐看拋如梭我來溷陽印泥爪敝車羸馬行委蛇廣文
先生見如故宛搴蘭芷紉湘娥手扛龍文導我識臨風感
歎雙涕沱從來鼎象百不一圖繪博古留宣和牛鼎較大
受一斛其外羊豕難同科重五十觔高尺二銘四十字鐫
詞多商與宋與紛聚訟謬謂背腫馬卽駝商書紀事曰某
祀幾見甲乙編年過釋作宋器亦武斷盍於篆籀加劇摩
埤雅輿記逞狂喙客話漫錄沿流波問鼎不言鼎有耳應
嗤俗論皆偏頗赤文綠字自典重以古爲鑑違知他斷斷
時代劃畛域卮言鈴說滋媿叟平生慨想天廟器觀此竟

欲千摩抄直如衡嶽對禹碣盥手捫讀長吟哦吁嗟人事
有代謝轟馳青犢飛蒼鵝金鐘大鏞委沙礫此獨寶用受
福那非有十萬天龍護安得完好離坎軻神風聖日相覆
庇不知幾劫沙恆河物之顯晦有如此側身天地徒蹉跎
九月于役鹽山卽事有作

翠蘿紅蓼點秋光小隊肩輿曉俶裝村落蕭條傷歎歲簡
書敦迫負重陽霑衣雨溼添綿重吹帽風來透鬢涼輸與
淵明歸去好東籬飽領菊花香

重過涇陽驛題壁

車走河間倏報功捷書一夜達宸宮中鄉獲醜周方叔異
姓封王郭令公鼎鼎元勳銘鐵券紛紛羣虜化沙蟲高唐
還見收遺孽翹首天山早挂弓

縵胡纓忽換南冠雲熱風寒倏改觀金鼓東行征役久玉
關西去聖恩寬兵原似火炎岡易令果如山撼岳難四十
餘條封事在可能都作謗書看

王守毅字懺生固始人舉人官四川知縣有後湖草堂

詩鈔

春郊

春郊到處草青青風絮隨波欲化萍野樹著花多不識荒
村有路似曾經谿迴乍覺煙生水寺近微聞塔語鈴日落
灘頭還獨立碧雲微護兩三星

答子瀟詢客中消息

北風勁中夜披衣起旁皇布衾委之去兩臂若含霜肩戶
理清鐙膏盡慘無光落葉聲蕭蕭浙瀝起蒼涼初疑風雨

作又疑黃河狂憂愁恐懼懷何以慰悲傷饑鼠暗窺人腥
淚滴我裳我欲燭驅之脫兔走且僵誰知陷井鼃井幹捷
跳梁夜夜復如此我怯彼益彊所以孤客心抑鬱結中腸
我心復如何未飲已中酒我懷復如何思我同門友昔時
結同心今日各分手君獨戀故鄉我獨事奔走奔走亦何
爲四方空鬻口青襟最纏綿愛之若瓊玖長恐襤襪情與
我聚白首青青雪際松鬱鬱園中柳人生不百年憂愁居
八九送窮乞巧人畢竟是與否

涼風送歸雲幽崖委寒翠故鄉深黃葉銀鱗昨夜至牙籌
啟錦緘密蟠珍珠字讀君紙上書矜余眼中淚幾載訂心
交蔣生尤夙契誰能隔關山家事代余計上言何所爲達
余雙親意下言何所爲勸余四方志賤子苟終窮負此良

友誼反覆持素書終夜若夢寐

陳世鎔字大治懷甯人舉人有求志居集

寄家書

歸雁空將信寒梅又過花恐添慈母淚不敢說思家

壬午二月朔廬州道上作

正月初隨雁北飛今朝猶未過廬肥一春風雨車中度百里家山枕上歸富貴何時頭欲白神仙有相骨應非長安已共青天遠况復三宵望紫微

山陰後馬村過周半樵留三日賦贈

偶乘剡溪興訪戴竟無違客子扁舟至主人三徑歸園葵經露滑湖蟹得霜肥不盡樽前意長懷別淚揮

董澂鏡字嘯庵桐城人舉人大挑教諭有比竹集

秋居遣興

炎風禪肅氣林蟬音漸斷伏處堪巖下坐待時物換依亭
樹影高敲窗葉聲亂百昌弗須臾附贅忽星散草薶見真
山流涸認危岸寒蟲訴深宵哀鴻警清旦守默耽澄思趨
華屏外觀霍嶽緬崢嶸高撐出天半局促乾死螢埋頭理
書案一事差可喜籬菊秋堪玩

春夜獨坐

明月上花樹經春淡含姿娟娟此長夜流輝照羅幃對之
不能寐當戶微風吹取琴一再鼓如有江海思澄懷與古
會逸境隨神移君勿怨岑寂此意無人知

由雲梯下趨壁立巖遂循桃花澗至總巖

浮山若浮雲梗寄滄江濱坤輿闢奇祕洞壑清且真絕頂

窺天池青光搖齋淪石理成芙蓉闕此萬古春岌岌繞雲
梯竦步趨嶙峋循巖百折下苔滑鋪綠茵蹈險學猱擲捫
石疑鱗皴荒宇何窈窕風掃無纖塵連雲既貢巧壁立尤
趁人左旋復右轉曲徑環風輪澗道擬桃源飛流紆長紳
相將至總巖妙絕如有神石穴成蜂房玲瓏無比倫錯出
不勝指駭愕嗟奇珍厓窟象無定造作由洪鈞怪此石衆
夥萬新無一陳晨興至曛黑攀陟忘艱辛山靈應有緣我
欲問前因

何盛矩字伯方來鳳人舉人

避亂山中感懷

干戈阻絕寄山村翦紙來招亂後魂起舞聞雞呼祖逃對
談捫蝨愛桓温酒漿已罄哀東國鎖鑰誰堪付北門寄語

南來諸將帥好乘元夕奪崑崙

晚晴籜詩匯卷一百五十終

此項朱言圖卷一百五十一

此項朱言圖卷一百五十一

晚晴簃詩匯卷一百五十一目錄

羅澤南 十五首

彭玉麈 十七首

宗室恩華 二首

舒燾 二首

潘曾璋 五首

光聰誠 五首

宗室岐元 二首

沈壽榕 六首

恩錫 三首

張岳齡 四首

李昭慶 四首

黃振河 四首

郭崙燾 二首

周星詒 六首

陳元祿 一首

管繩萊 二首

于養源 二首

謝蘭生 二首

方士儼 八首

邵詠 一首

沈世良 五首

聶節亨 三首

林鶚 一首

林用霖 二首

汪錫珪 三首

錢辰 三首

萬同倫 三首

張仁桀 一首

張謙 一首

方玉潤 四首

徐鴻謨 二首

顧遜之 一首

韓崇 三首

錢壽昌 二首

鄭襄 二首

明倫彙編卷一百五十一 目錄

晚晴籀詩匯卷一百五十一

徐世昌

羅澤南字仲嶽號羅山湘鄉人咸豐辛亥舉孝廉方正

歷官浙江甯紹台道加布政使銜諡忠節

詩話忠節起儒生治團練毅然以滅寇為己任轉戰而前寇為披靡咸豐丙辰攻武昌中礮越數日而卒卒時索紙筆仰臥書曰亂極時站得定纔是有用之學臨絕握胡文忠手曰死何恨恨事未了君與迪庵好為之迪庵李忠武字也

羅山吟

家住羅山第幾曲碧水繞門清可掬南窗捉絮倚垂楊北岸跳珠挂飛瀑渴來烹茶自汲水游魚上下紛相逐垂鉤終日不得魚高歌一曲湘水綠

家住羅山第幾曲幾株叢桂幾竿竹青帘競沽游客酒碧

田多種鄰翁粟日暮鄰家糴新米拾得生柴煮淡粥炊煙未熟客忽來挑鐙共展奇書讀

家住羅山第幾曲百年松枝大如轂老鶴歸巢卽友朋連林積雪皆珠玉小爐無炭冷風侵好是西窗對紅旭新詩裁成無人和落落梅花香滿屋

家居

不到奇窮總不奇田園鬻盡忍長飢家貧幸免官催稅事少惟來友索詩日出尙眠宵坐久客來待借午炊遲窮途莫道生涯盡儘有文章作酒貲

弔蔡江門先生

今古興亡感慨同時窮世亂見孤忠曾聞夢繞熊湘閣公泣潭州我泣公

宋李芾殉難熊湘閣人稱爲李潭州先生至長沙時夢李公接之因哭奠於其廟

補裘痛懷先祖

冷雪凝階二月初羊裘補得勝華裾風霜記否當年苦典
盡春袍送讀書

乙巳客長沙清明感懷

兩年旅邸過清明佳節重逢倍愴情麥飯遙憐諸弟薦松
醪獨少一人傾高堂白髮貧中老游子青春客裏更嶽麓
峯頭雲幕幕不堪重聽鷓鴣聲

喜雨

茅檐一夜雨農家百萬粟清晨荷鋤出長歌綠水曲

題寒梅圖

冉冉寒香渡水涯溪南溪北影橫斜含情最耐風霜苦不
作人間第二花

清和既望月下偕諸生夜坐

浩月凌空照綠波
廣寒宮裏舞嫦娥
憑誰掃卻蟾蜍影
天
下清光應更多

古劍

仗劍天下游
延津不可渡
不平事尚多
莫便化龍去

登章江門城樓呈江岷樵廉訪

突兀高城接上台
千重雉堞倚江開
浙閩山向雲中繞
章
貢水從天際來
相見適逢多難日
持危全仗濟時才
興懷
往昔情多少
聊坐高樓共舉杯

小龍駒

有馬較諸馬獨小臨陣奮迅過之疾徐進退無不如意呼為小龍駒

兵家勝負決須臾
幾度疆場得意驅
莫訝將軍天上出

羣應識小龍駒

去秋平安福時有天上將軍之語

讀兵書

至仁原無敵湯武兵書祖惟使三軍心共知萬姓苦飛揚
猛士風霖霖王師雨逆命有苗民兩階舞干羽

和曾滌生侍郎會合詩

人生如荷露聚散無常期矧當爭戰後死生不可知寇盜
起粵管蚩尤揚天旗承平二百載文武爭恬嬉以此長驅
入天下喧鼓鼙江漢吼鼉鼉金陵窟狐狸誰敢撓其鋒卵
翼我黔黎天子詔令下侍郎起南維水師駛鳧鷁陸師飛
熊羆舊交入帷幕經濟酬所知老筠與腐公朝夕參軍機
軍旅我未學末座聊追隨憶昔癸丑夏妖氛逼江西老筠
偕我出往助岷公威賊聞膽已落一戰旋解圍筠車漢水
回我馬吉水歸共知才不逮誓各隱衡疑侍郎何慇懃葑

非不我遺更得塔將軍拔之由偏裨忠勇冠三軍士氣隨
轉移甲寅六月初旌旗下湘磯洞庭倒巨浪大江燃靈犀
巖巖半壁山滔滔富池湄長江沈鐵鎖荆楚復藩籬射蛟
潯陽江王師欲東之胡爲江水沸長鬣鼓鯨鯢封姨吐鬼
火堅城頓雄師物論遂紛紛尤吹腐公疵成敗以論人西
施亦可媿蘄黃何迢迢鎖鑰者阿誰賊旌復西指鄂渚填
積尸東道廣與饒浙閩路欽熾賊又搗其虛多方令我疲
侍郎曰否否禍者福之基丈夫誓許國艱險復何辭旌節
駐匡廬樓船修彭蠡塔公擬西征我兵靖東陲堂堂數路
出不自惜奔馳調度雖有方未免傷睽違老筠知其故翻
然出書幃欲紆侍郎憂用慰腐公思我方戰信水不得晤
鬚眉斯人旣未死世事尙可爲嗟哉賊勢猖六年已於茲

長江幾千里
嗷嗷鴻雁飛
吳人或越奔
南人復北棲
父子不相見
妻孥長別離
何時清寰宇
大旱慰雲霓
普天兒女子
共作會合詩

彭玉麐字雪琴衡陽人諸生官至兵部尙書一等輕車都尉加太子少保贈太子太保諡剛直有吟香館退省盦等詩草

俞蔭甫曰公幼嫻詞翰每爲詩搖筆立成嘗同游雲樓公左手執杯右手把筆卽席成詩六章余詩所云籃輿有約到雲樓白髮彭郎興不低左手持杯右手筆六章詩在席間題紀其事也少年詩頗效法西崑對屬工麗體格沈雄晚年間有流於率易者多成於談笑之頃故歌行不多作然如泊甘棠湖看五老峯一首硬語盤空可與昌黎爭席貞女行敘次詳贍音節古雅則又與孔雀東南相伯仲非致力於詩者深能若是乎

詩話剛直佐曾文正治軍始朔水師戡定功最多事平巡閱長江上流起湘鄂下游遠蘇杭戎旆所莅兼

察庶政諮民間疾苦黜墨吏刈莠氓威稜甚肅詩特
其餘事而渾浩流轉勁氣直達亦可想見其爲人尤
好畫梅老幹繁花意爲揮灑所至湖
山勝處輒留詩畫則羊公峴首意也

感事

薄宦嚴君二十年皖江淝水汲清泉空遺舊產三間屋難

起新炊一竈煙慈母箱存衣上綫他人囊飽俸餘錢嚴君

爲人乾沒烏衣巷口斜陽冷安得王孫癡叔賢

送別楊弼卿茂才浙人寄居於楚生平任俠毀家末年潦倒無有顧之者

陽關唱罷暮鴉飛萬里江天夕照微雙槳劃開湘水綠嶽

雲滿載一船歸

廣西全州道上

綠楊隄岸夕陽斜牛角青帘露酒家滿地紫雲吹不散野

田蠶豆亂開花

客中感懷

輪蹄鐵盡爲謀生文字因緣結未成白髮頻添游子淚黃
金深感故人情難從糠市還詩債欲破愁城借酒兵花事
亦如人事苦十天春未一天晴

謁余忠宣公墓

英風凜冽赤心存皖伯臺前廟貌尊七載孤城餘戰血干
秋祀典慰忠魂寒森墓道松楸老聲咽江流草木昏請向
大觀亭畔看一池清潔水常溫

墓鄰大觀亭有盡
忠池嚴寒不凍

黃河北渡漫興

赤滾神河浪黃飛大漠沙月昏嗥怪鳥風急亂寒鴉野店
蘆爲屋荒村水當茶一鐙青旅館有客夢還家

牙屯堡軍夜

埃火橫燒烈燄紅，敵人四面路皆通。心驚刁斗連宵擊，腰繫椰瓢屢日空。軍中悉以椰瓢爲飲食具，維時糧草路絕無從得米。野竈煙炊苗婦，筍營門月冷武侯松。夜深巡視三軍睡，頭枕征鞍手挽弓。

克復岳州

城隅高聳岳陽樓，電掃雷轟濁霧收。滿地赤巾拋髑髏，一天紅日耀兜鍪。自慚雞肋非猿臂，子右肘中賊礮幸骨未斷。已見龍泉斷虎頭。塔智亭軍門斬賊魁，曾天養稱虎頭軍。終夜枕戈聽刁斗，哀鴻聲裏不勝愁。

肅清洞庭湖

岳陽樓外草萋迷，戰艦橫飛耀彩霓。犀甲雄吞雲夢北，鴉軍勁掃洞庭西。重湖八百潛蛟蜃孽浪，三千靖鮪鯢遙見君山青。一點湘妃廟冷，杜鵑啼。

次麻竹師孝廉見贈原韻卽以書感

無復軍中喚史都空留餘恨失吞吳只緣豎子無長策不

是彭郎誤小姑子部下都司史久立有謀勇善戰人悉以

江扼湖口也探小姑山彭澤賊有船二百餘運糧子擬乘

夜棟輕筋往襲可一炬而盡使湖口城賊無糧亦易破商

之諸軍皆不應遂致失機大燾高牙看遠引奔狼突豕任長驅唾壺擊

碎尋常事一日愁澆酒百壺十二夜城賊約小姑山彭澤

退子船悉入湖為賊斷後路不能出賊分兩岸直奔江鄂

子援江保全省城無恙鄂帥楊制軍擁重兵駐黃梅聞賊

至卽率兵連夜退走不守攻克彭澤奪回小姑山要隘賊以江心小姑山為礮

戰兩日破之戲題二十八字於崖壁書生笑率戰船來江上旌旗耀日開十萬貔貅齊奏凱彭

郎奪得小姑回

肅清江西全省

江西府廳州縣共失守六十餘處只存省垣一片乾淨土江岷樵力也

年來浩劫滿洪都郡縣收回六十餘狐兔妖氛消蠡水鯨
鯁孽浪靜鄱湖桃花嶺舊飛紅雨桑落洲新長綠蕪惟有
疲民蘇未易不堪庚癸歲頻呼

賊平後喜少皋胞弟歸來

弟以道光末以筆硯餬口於河北旋亂離兵火間阻

不通音問者二十年原草青青鶴鵠寥落傷懷何限克復金陵大兵北渡收拾餘氛南北道通弟始由西安歸來相晤不相識悲喜交并矣

雁序分飛二十年中間蹤跡兩茫然池塘春草添新夢伯
仲壘篋續舊緣秦嶺路因烽火隔秣陵月為弟兄圓鵲鴿
往事傷回首話到酸辛淚自漣

都門曉發

迥露上征鞍雞聲唱未殘新詩吟短句舊夢醒長安馬鐸

鳴霜冷車帘透月寒早朝風景在回首五雲端

游蘭亭有感

舊日蘭亭不可尋頻教勝會憶山陰空留一紙昭陵帖孰
嗣千秋典午音殤短彭長今昔感風流雲散盛衰心我來
舅氏皆零落憑弔荒煙淚滿襟

予舅氏爲逸少後裔兵燹後無從問渭陽消息來游

斯亭徒增感慨耳

泊甘棠湖雨後看廬山五老峯

匡廬峯何蔥蘢五老秀削青芙蓉欹崿崩凌長空雁行
排列舒笑容虯藤蝮木如扶筇蒼顏綠髮苔蒙茸遠看偃
樓復龍鍾近看挺拔秀且雄我家南嶽依祝融曾登泰岱
與華嵩不見湖光萬頃擴其胸不見洪濤巨浸當其衝此
峯不獨飛泉鳴琴聲淙淙更有汪洋灑瀚鄱陽湖水飛銀

龍聞說上有千年桃花紅幾欲凌空飛到天池最上重大
呼匡廬處士同去尋仙蹤振衣千仞長嘯開羣聾

貞女行

清泉馬智泉太守次女七姑自幼知詩書明

弟松軒司馬因親聯姻遂字其姑之

尉姑夫服闋年二十一女年十九婚有日矣煥孝

公也服闋年二十一女年十九婚有日矣煥孝

忽以療卒女聞欲身殉賴父母嫻戚防勸再四許

以髮髻麻衣歸馮奔喪守貞始得不死易服往弔

奉主再拜勤幾絕送者塞途不期而會幾干人淚

悉下女隨殯視窆窆盡哀禮嗟嗟可悲亦可敬

矣予退居養疴於後進喪不往弔可也然事關風

化不往賀則不可因偕三學校官暨同人往賀賀

而拜拜而不容已於言故作貞女行愧不文不足

表揚貞女之志聊引其

端以待形管有焯者

衡山深而幽湘水淨而綠山幽何足奇水淨何足錄此中

毓秀靈女貞森樸棧馬馮舊朱陳兒女新如玉絲羅結絲

羅朱繩牢繫足親友偕歡欣共道姻緣夙公子佳翩翩文

采光離陸鸞交已定期無何乖鳳卜二豎忽爲災阿耶疾
危蹙修文赴玉樓紅絲命難續噩耗來女家父母各瞪目
女已測知之趨向膝前伏哽咽低致詞女自知薄福雙親
爲女心百身莫能贖曾讀柏舟篇毋使歌黃鵠前聞郎疴
沈女已思之熟許女歸始平百苦甘熒獨否則不求生但
求命絕速闔家苦難言悲傷慘骨肉父信女心堅母知女
志篤唯唯各相磨女起身反屋脫卻錦繡襦登輿去忽促
血淚入馮門卽易斬衰服父母偕弟昆奔送多姻族慘目
最傷心捧主拜花燭觀者千百人同聲齊一哭嗟嗟彼美
姝至情自有屬誰說古共姜今世睹難復誰說勁草無扶
風有貞木志同金石堅從繩不能曲心同冰雪清飛塵不
能躓鬼神爲之欣天地爲之肅馮郎木主成往拜我齋宿

名教古今尊理難語流俗不弔而往賀庶幾有感觸廣文
諸先生名篇燦綺縠黃堂太守賢彤管揚清馥御史大中
丞緣情申奏牘飛騎達天庭褒嘉無愧忝綸綍頌煌煌綽
楔豎蠹蠹百年雖苦心千秋留芳躅堅貞自不磨勁節誰
與角青青衡山松猗猗湘水竹

宗室恩華字緘庵鄭慎親王烏爾恭額子考封輔國將
軍官理藩院尙書有求真是齋詩草

白河

飲馬河流沒馬蹏輕風吹浪聽漸漸龍沙古渡餘燐火鱗
瓦前村忘鼓鼙落日尙疑旗影動逝波猶帶角聲淒昔時
戰壘今何在叱犢春疇雨一犁

堂梁

籟寂天空漏已沈一聲清唱警塵心林原響振孫公嘯月
夜情酣漁父吟咳下似傳驅楚策雍門猶見繞梁音宵巖
舊載金吾令聽到更殘韻轉森

舒燾字伯魯溆浦人官戶部郎中有綠猗軒詩鈔

詩話伯魯初為梅伯言弟子盡焚舊所作詩集中多
悲傷潦倒之作曾文正嘗謂伯言曰伯魯奇才也然
好作悲語不稱其年恐
非福果未三十而卒

舟中早起

客路難為寐推窗促放船鐘聲敲短夢鷹影破寒煙殘月
忽在水餘星尙滿天重裘霜氣重坐對燭花妍

渡黃宿徐州隄上

青山無數爭來前黃河春水流涓涓三年燕趙飽塵土眼
明喜見江南天高樓倚空殊峯嶸蘇子風流渾如昨滔滔

濁水來崑崙千古何人見消落層城華屋十萬家春來飛
 徧桃李花通衢南北集行旅夕陽煙火紛周遮長隄去水
 不盈丈峩峩倒壓重城上可憐性命輕蜉蝣忍使兒童狎
 波浪朝廷恩大多靈威歲發帑藏防隄圍黃金百萬亦虛
 擲居民苦瘠蛟龍肥間關一夕河隄宿隔岸疏鑿出茅屋
 夜半風聲若海潮頓使危心生遠目君不見桃源口決十
 丈餘萬姓飄蕩都為魚儒生歎息空道路歸來還讀河渠
 書

潘曾瑋字季玉一字玉淦吳縣人蔭生歷官刑部郎中

記名道有自鏡齋詩鈔

符南樵曰季玉為文恭公幼子精倚聲論詞詩云意
 內而言外妙在比興先與周介存先生所言有合詩
 不多作直
 追唐人

送汪小珊歸省

郁郁青棠花亭亭連理枝青棠可蠲忿連理紛葳蕤與子
爲益友形影兩不疑但願長相見安知有別離別離欲何
之江南我所思人生各有職恨不相追隨惜此良會促感
彼心知希道路隔千里會面未有期常恐會面日已非少
年時

少年不可恃千載何悠悠矐靈常西馳逝川但東流陽春
方驗盪倏焉淩素秋人生在一世譬若江上鷗亮無松喬
壽不死非可求達者垂大觀卒歲且優游憂傷以終老無
乃拙身謀永言難盡意別淚忍復收行矣各自愛相期勵
前修

重九同人集顧祠秋祭並爲朱伯韓侍御祖餞卽席

分韻得制字

一雨鳳城秋西山明曉霽蕭晨入古寺賓從盛車騎佳節
沉重陽崇祠肅時祭命儔多俊英唱妍更酬麗京師冠蓋
場歡會歲復歲豈無金石交亦有芝蘭契所期盟歲寒各
具傲霜意遭遇在一時得失千古事我愛朱御史盤盤有
經濟朝陽曾一鳴蘇廣陳頌快聯袂兩子去不來君留振
士氣媧石待補天張輪勿埋地胡爲將母呼秋風速鼓柂
獨鶴向南飛來雁望北至安知澗槃游不爲廊廟計送君
飲君酒四座勗古誼我亟悵離羣狂歌雜清涕醉眼窄乾
坤酒力不能制明日對黃花相思渺天際

嘲鶴篇呈少荃中丞

白鶴海上來毛羽自珍惜豈爲飲啄謀下爭雞鶩食遠勢

待盤空奮飛終有力一旦拘樊籠難振九霄翮主人眷顧
深珍重異凡禽安羨乘軒貴羞爲鍛羽吟鍛羽爾勿悲一
舉自千里所望附青雲聲聞從此始我爲嘲鶴歌嗟爾久
寂寞嘲鶴且自嘲我亦不舞鶴

疊許鶴巢韻

故園西望尙烽煙諸將爭先猛著鞭端賴汾陽回紇馬何
如王濬益州船疾風待掃經霜籜浩劫誰生出火蓮盼到
甘泉真報捷先看旗鼓井陘前

光聰誠字存之桐城人諸生官太常寺丞有閒齋詩集

詩話存之名家子久躡場屋其仲兄律原方伯謝病
歸白頭兄弟逍遙山水間以爲人世至樂迨東南寇
擾存之方爲鄉里團練倉皇奔徙顛頓流宕數年以
卒詩分前後兩編後編皆避亂時所爲境迫而詩益
富其子吉甫以咸豐己未
成進士乃輯遺詩付梓

游石橋巖並內巖

白岳闢西戶石磴幾盤紆山窮做繡塍緣隰陟崎嶇丹巖
突兀聳赤城霞不如太古餘溜痕赭黑交相於壁有青龍
蟄倒挂頷垂珠神彩宛飛動苔蘚繞其軀山勢忽幻形長
橋跨清虛廣度三百弓高建五丈旗中搖一峯影窈窕似
名姝青青干琅玕暮倚容更殊搜奇越長橋內巖何沮洳
巖端灑霜雪炎夏涼衣裾在昔甘泉子闢堂此讀書堂圯
易梵刹剎更傾頽餘人事有興廢林壑無終初我來樂斯
邱箴言謝衛蘧

讀左穗六詩卷

往者漁洋老論詩重太冲君家自有法吾道本從同妙悟
憑天授虛懷若谷通傾心一開卷如撫廣陵桐

三元洞

翠螺山洞問三元石磴透池直到門小閣簾開通碧漢長
江帆過落金尊懸崖有力憑雲構攬勝無心駭浪翻我是
蓬萊遺佚客不妨駐此悟真源

擬尋鄧尉梅花不果回舟次鎮江

江頭買棹趁春回萬樹空嗟鄧尉梅未到銅坑看綽約且
憑鐵甕一徘徊鶴銘沙跡終難辨羊石雄風尙可猜鷗鳥
容吾親浩蕩不妨盛世老樗材

余以去歲仲冬來莊幾周歲矣近以足疾閱月未曾
出戶昨於荆扉外見丹柏一株感時序之遞嬗歎
盜賊之紛紜聊作長歌以誌憤激

昔我倉皇來避寇木葉已脫山容瘦元烏罷飛白駒馳丹

明眼翁詩卷一百五十一
十一
相一株又錦繡我心疾痰足更蹇照眼秋光淚盈袖附郭
萬株化爲烽幾樹含霜弄清晝南風雖競功未收北關宵
衣佇凱奏棲遑半菽求一飽逼索追逋遭詈詬自古賢聖
多困窮莫羨兒童善奔走城邑縱使穴兔狐郊原尙可安
去就況聞大軍及義民同伸憤勇若私鬪嗟君勿作守株
人掀髯一笑胡不胄

宗室岐元字子惠禮烈親王代善十世孫由筆帖式官

至成都將軍

詩話子惠起自宗璜陟歷卿寺秉節陪京移鎮成都
凡十年卒官公解舊有園曰澄懷子惠取太白詩錦
城雖云樂不如早還家意榜曰雖園日與僚友賦詩
其中劉文莊督西川秀水朱詠裳善祥爲學使邛州
伍崧申肇齡爲掌教皆相酬唱是時宇內猶
無事軍書旣簡優游多暇其風度亦足多矣

和顧幼耕復初秋懷

無感何驚秋入定不知暑大樸慕義農矯隘薄巢許利劍
漫逐蠅頑石天可補溱涉挑狂童洛游動交甫重不自引
嫌辱與人何與老經失離奇屈騷太嬌嫵天地任斡旋物
我何取予生生無盡期造化不吾阻

和伍崧申

摩齡

江樓

時雨時晴畫本開風光不厭酒徒來岳陽樓上梅花笛習
子池邊鸚鵡杯聲重晚鐘聞遠寺夜深涼雨長新苔臨江
好看東來客移取芭蕉別院栽

沈壽榕字朗山號意文海甯人歷官廣東布政使有玉
笙樓詩錄

九日登白帝城望八陣圖題武侯廟

落日高城隱暮笳客心孤迥正思家傳書待寄雲中雁讀

史羞論井底蛙在昔君臣似魚水而今窟穴有龍蛇羣材
競起終何事且倒芳尊就菊花

塔忠武義馬歌

靜臣中丞為榕言前湖南提督塔公

色微赤身短脊立而尾特長腹下旋毛若鱗甲狀
聞鼓聲輒奮起一日追賊入窮谷馬不進異而跡
之則下臨深淵旁有伏焉隨馬奔處得小舟乃渡
方突圍時受刀傷不蹶後公歿於九江伏慙悲嘶
俯首垂淚人呼為義馬云

塔公上馬能殺賊此馬偏從賊中得百戰沙場破竹功滿
身雲錦桃花色汗溝隆起垂梢長黃金羈勒青絲韁旋女
在腹似鱗甲人驚天驥非尋常當時追賊搜窮谷陣壓元
雲白日速馬行不行若有知賊來不來疑有伏俄臨千尺
流水深無盡頭叢薄殺聲起欲渡無行舟舟來公且渡更
恐前無路重圍躍出鳥飛難毛血淋漓馬行處將軍歸來

衣上紫不克九江臣憤死便爲厲鬼亦忠魂遙望長安謝
天子素旌飄搖依靈輶哀嘶慄下聲酸悲壯哉忠武自不
朽惜哉義馬無人知劉公告我我作歌座中有客雙滂沱
長沙彭參將定泰爲公舊部言之泣下千秋國士千金骨知己不逢空奈何

何時

何時滄海變桑田劃破鴻濛界外天諸國有疆分島嶼漢
家無事習樓船煙開鼇背憑空結燭照犀光徹夜然世上
升沈都莫問君平賣卜已年年
凡骨求仙亦妄哉豈知方丈與蓬萊童男艸女終何有芝
草桃花未易栽擊節馮夷驚水立乘槎博望踏空來奇文
莫羨元虛賦未必能傾萬古才

二十年中電火流追思舊恨迸新愁才多早發盈庭議計

拙終成築室謀大將立功防內外賢人責備有春秋四牽
五餌尋常事賈誼緣何哭便休

入手新書共賞奇飛騰光怪氣淋漓乾坤可納形諸掌福
命難言相在皮牛鬼有靈紛變態馬銜無用肖兒嬉不知
野史亭何處載記他年絕可疑

恩錫字竹樵滿洲旗人歷官江蘇布政使署漕運總督
有承恩堂詩集

季秋偕雪堂同同人重游卧佛寺

招提佳境足清游曳屐重登最上頭百道泉聲喧客座四
圍山色入僧樓白雲如絮不成雨黃葉滿林都是秋笑語
諸君慢歸去禪房花木好探幽

感事

積雨連朝水倒流鄉關迢遞思悠悠斜陽漸下丹楓晚戰
骨空埋碧草秋惟有謝元能辨賊斷無王粲不登樓風塵
鞅掌何時已夜草軍書祇自愁

卽事

愵愵節序問誰知又值紅榴吐豔時客裏看花難覓酒鐙
前聽雨易成詩三江憑弔風雲慘四野荒涼鳥雀悲欲挽
狂瀾猶未得十年淮上老偏師

張岳齡字南瞻號子衡平江人諸生歷官福建按察使

有鐵瓶詩鈔

詩話南瞻以諸生從戎游躋監司遽以病免人咸惜
之晚年徧歷名山所至有詩多可存之作曾文正謂
其五律近孟襄陽七律未
得古人門徑調較凡近

留別洪瓊輝

豈不惜儔侶青山招我歸論文虛竹屋避暑淨荷衣古道
幾人共知音今日稀思君當後夜落月有餘輝

答楊莘耕

志伊 大令

投筆竟何事枕戈徒爾爲病多成我懶才薄畏人知峭石
有奇氣寒花無媚姿祇應返林谷飲酒和陶詩

秋夜感懷同鍾西耘

德祥 孝廉

涼颿入庭樹瑟瑟動秋心華髮隨年改孤鐙與夜深露香
清晚菊煙暝促歸禽不盡雙江水憑君獨賞音

少林寺

少室矗空起幽藏祇樹林傳衣一席地面壁九年心我欲
參方丈微言不可尋茅庵棲隱處南望白雲深

李昭慶字幼荃合肥人歷官記名鹽運使贈太常寺卿

過無爲州晤劉仲良潘琴軒兩方伯周沐三大令別

後卻寄

經生天祿有光輝骨相誰令食肉飛
鄴下文章空幾輩順昌旗幟震餘威
桃花漫問元都觀芍藥爭開金帶圍
早晚除書下丹陛那從賢達遂初衣

騎省閒居鶴唳悲北堂餘慕廢莪詩
瀧岡阡表歐陽子家

廟碑銘郭敬之

琴軒假歸爲贈公營葬建祠旋奉母太夫人諱

出處能全忠孝志

遭逢何幸聖明時西陲經略資韓范
會起平泉擁節麾

公瑾論交兩世深每從人海憶浮沈

沐三師事先光祿公於京邸

利名

恬淡關天性言笑矜持見道心甘託
成都潛賣藥懶同彭

澤試鳴琴十年冷抱梅花卧合證前身
處士林

片帆西上皖公城
鼙鼓頻催歲序更
殘雪望中巖岫近
野

鷗眠處岸沙平幾家茅屋搖鐙影一夜風濤撼枕聲歸夢不隨詩句穩已聽喔喔曙雞鳴

黃振河字海樓大興人舉人由知縣歷官河南候補道

有勵齋詩草

詩話海樓觀察僑居衛輝先大父與相識光緒初曾撮開歸道篆余兄弟昔試游梁書院頗受識拔遺詩數百篇未有刻本最錄及之不勝今昔人琴之感

琴臺懷古

欲訪唐賢蹟城西萬綠曠四圍山抱郭一帶樹霑雲臺影自終古琴聲久不聞青條何處是惆悵次山墳

元道州墓在青條嶺

距臺十里許

爲托見亭都閩題趙子昂畫馬

伯樂一過馬羣空相馬獨識馬中龍形影胡來入圖畫高

堂素壁生長風英姿颯颯生氣充百戰能助功人功豈當
求之凡馬中曹將軍沒韓幹死寫生誰如趙氏子近人畫
馬畫皮毛趙公畫馬入神髓青絲絡千里駒世無王良與
造父誰堪爲爾範馳驅海內方今戎事亟羽書絡繹無虛
日往來奔命盡駑駘我撫此圖長太息君盍持此向燕臺
千金入市非凡材蠶叢道路驂騑開吁嗟乎風雲際遇士
所喜渥洼沙苑來千里誰爲郭隗君其始

秋陰

炊煙不辨晝沈沈涼雨通宵作曉陰極浦楓林添畫意閒
庭梧葉墮秋心斜風斷雁模糊影中酒懷人慘淡吟山色
如妝本明淨一經濃抹易蕭森

雨後登白雲閣春望

白雲閣上白雲飛野煙漠漠舍四圍東風吹落天街雨千
樹萬樹胭脂肥郊原潑水春光膩十丈梯雲蹋空翠斜陽
晴曬榜人帆泥痕紅染沽春屐詩情畫意滿山城村村布
穀相和鳴淇上健兒驅犢出東阡西陌催春耕春耕一犁
滋霖霖乘興游春興未足歸來魂夢有餘清明朝澣滌衣
襟綠

郭崙燾字志城湘陰人諸生官貴州候補道有蘿華山
館詩存

南泉寺雜感

尋幽來古寺地僻心亦閒高僧容我居山在戶牖間古楓
映蔥蘢好鳥時往還開軒延朝爽世慮從之刪讀書及宵
深月出翠微灣對此發長嘯十年混榛菅

鑿堂書來問事口占答之

隱几維摩鬢已華
雄心那復袖青蛇
江湖談笑吾甘老
不見烽煙哭萬家

周星詒字季貺號窳翁祥符籍山陰人歷官建甯知府

有窳橫詩質

孫仲容曰季貺先生學問淹洽喜藏書著錄數萬卷多宋元舊槧及乾嘉諸老精校善本自理董丹黃雜述抱經蕘圃未能專美詩詞多造微之作晚年刪定五言律詩五十餘篇高渺之致寓諸平易嶽奇之懷返之冲淡村山長老有云清景當中天地秋色可與論先生之詩矣譚仲修曰樸屬微至於古人近元次山今人則莫子偲同歲炳燭頗愧洗華落實也木落天宇空心與俱曠異苔同岑百年旦暮

辛卯四月初五日夜坐時苦雨騎月

西風連日急夜冷過春三淦淦雲陰合冥冥雨色酣水深
將爛麥暝至或蘇蠶衣食關民命天應慰不堪

枕上聞磬

一磬泠然脆悠悠度竹關道心澄夜靜餘響漾風間合眼
見皇古置身如萬山五更窗欲曙夢警枕屏閒

春夜

不睡百憂集春深此草堂山風時啟戶江月直窺牀轉燭
窮花態緘茶養露香幸多閒事業消得夜茫茫

題畫

重重千百樹策杖自裴裒萬綠破深甕孤雲兀廢臺風吹
雁毛落秋引酒悲來無限茫茫意誰同醉此杯

秋感

慣覺衰翁夢戈船鼓四更連陰星月晦長夜鼠狐橫醉嚙
奴羣睡憂嗟老獨醒一聲天下且破暝祝雞鳴

秋殘天漠漠，阪曠日蕭蕭。翅仄鷹盤穩，膘新馬獵驍。野風吹短髮，村酒醉長橋。共飲無相識，騷魂啖大招。

陳元祿字抱潛號小鐵錢塘人官直隸永定河同知有
十二種蘭亭精舍集

寄周澹巖幽居

徑仄少人過，蕭蕭生薜蘿。青山當戶遠，黃葉閉門多。阮籍
惟宜酒，陶潛許放歌。科頭倚秋樹，幽夢正婆娑。

管繩萊字孝逸武進人官含山知縣有萬綠草堂詩集
小樓晚望

江城坐老綠，苔磯郭外青山。望處微落日昏，鴉爭樹急。西
風黃葉向人飛，半天秋遠敲吟帽。九月霜寒賦授衣，獨有
高樓延草色。幾家臨水掩柴扉。

晚步

出門看斜陽忽已上高樹攜手同心歡城隅散輕步秋風
一夕來衣袂改輕素木葉脫何遲芳草色非故悠悠遠水
明靄靄蒼煙暮牧晚笛歸村漁寒鐙隱渡登高暢幽懷感
逝感內顧新歡不在眼陳人復誰慕存悲思浩歌念別感
征路遼天廓無邊惟有寒鴉去

于養源字小堂儀徵人安徽補用知縣殉難子雲騎尉
世職有都梁草

春寒

想到尋春意轉慵梅花落盡杏花紅呼僮鉤起重簾望不
是東風是北風

送郭相廷先生還車橋

天涯蹤跡等浮鷗聚散無端我欲愁此去江南秋色好一村黃葉認歸舟

謝蘭生字厚菴武進人浙江候補知縣有詠梅軒橐

詠史

我生三十年曾讀漢魏史我讀漢魏史仰止習鑿齒謂魏爲正統蜀乃以寇視茫茫數百載誰復能議此賴公發聾聵大聲震里耳獨帝漢昭烈分別冠與履天道以不喪人心以不死煌煌良史才下啟紫陽子

題三閭大夫離騷後

瓦釜旣用事黃鐘故應棄眾醉乃獨醒尤爲同列忌主聽復不聰孤臣數益窮疏後旋見謫誰能鑒其衷卜居以明心離騷以寄慨終與汨羅沈樸忠何由遂至今沅湘間悲

風繞荒寺

方士鼐字羹梅一字庚眉號調臣定遠人貢生官東流

教諭有四持軒詩鈔

詩話調臣爲蓮舫太守之弟久困場屋以廣文終詩喜三李晚學香山放翁亦究心於蘇書法松雪小楷尤工絕寸縑尺楮人皆寶之包慎伯見其書咋舌曰吾望而生畏也

江干卽事

匹練澄清送早潮白雲深處斷虹橋
荻洲風起秋聲冷吹散遙天碧玉簫
瞳矇寶鏡照長江十丈紅光射綠艫
昨夜蘆花飛片片故將玉雪打篷窗

寄伯兄羽扇旋報七古一章依韻奉答

高哉碧梧棲鳳毛
嚙嚙振翻陵丹霄
鬱乎蒼松盤鶴頂
翩

翩展翅依雲巢君子於止知所止堅吾寄託疇能搖豐肌
美羽胡爲者鐘鼎何如安藜蒿君昔仁風徧澤國舉手扇
陽陽不驕今年六月又苦熱金飈送入始清蕭我慚一扇
寄千里聊爲兩地除炎歊君非熱中我冷宦古人何必矜
題橋胸襟磊落筆鋒利趨炎附熱非英豪湖山別去今七
載熙州焉能比雪茗數椽官舍地低溼往往久雨生寒潮
千峯萬嶺羅戶右繞牆芬馥多蘭椒黎祁一味頗不厭開
軒掃榻能相邀司空佛圖山名助吟詠山川刻露飛彩毫春
花秋月期不至徒令詩筆走清超相思團扇對明月遙知
月下寬征袍風生一握涼侵臂秋果再熱奚辭勞君身松
柏是後彫况有雛鳳誇翔翔天倫樂敘欣所遭一枝笑我
同鷓鴣君詩摺疊等瓊瑤盍薇讀罷香暗飄

示兒子濬師

吾父生我時四十頭未白今我又四旬父已歸窀穸方幸
兩慈親侍奉永朝夕胡爲十年中雙親痛疾革哀哉父母
恩欲報形骸隔廿載困名途歲月皆虛擲雖然作冷官難
免素餐責有書豈不讀吾父留手跡有杯豈不舉吾母留
口澤顯揚縱未能光陰須愛惜汝年已十三留心在經籍
立志貴精勤求師重誘掖少壯能幾何珍重駒過隙莫學
我無聞老大悲何益

浦口

屈指金陵路馳驅二十秋山光看不足暑氣未全收旅夢
驚黃葉虛名誤白頭乘風挂帆去卧聽大江流

菊江雜詠

不識誰家柳居然植五株綠陰扶古岸白日澹平湖垣破
餘荒菜牆頽插短蘆可憐憑眺處山色半模糊
地僻居民少城荒樹木繁浴波翻水鳥歸市剩河豚亦有
人呼渡曾無吏候門清風吹滿座獨自倒芳尊

登太白樓有感

一別高樓又七年登臨恰值暮秋天分無佳句誇名士誰
肯憐才到謫仙山雜亂雲歸塔頂江留殘照落帆前金陵
十度真堪笑贏得千絲雪滿顛

邵詠字子言號芝房電白人優貢官韶州訓導有芝房
詩存

淮上舟夜

淮南雨晴夜初夏似新秋月色兼涼起河聲入夢流艱難

依蹇僕飄泊信孤舟應識回家日驚心念舊游

沈世良字伯眉番禺人諸生官韶州訓導有小祇陀盒

詩鈔

詩話伯眉少而善病連值兵燹奔避勞窘兵事稍解
銓除韶州訓導未上官遽卒詩纘密以栗陳蘭甫譚
玉生皆甚稱之

蕭閑堂讀書用樊榭城西讀書雜興韻寄示立齋三

弟

解嘲誰計腹便便自愛巾瓶結淨緣入世無心同叔寶故

人耽讀有盈川

謂青皋

燭奴寂寂東西屋月子灣灣上下弦

憔悴天涯烏帽客晚蘆寒荻北來船

極天鴻雁愴離羣第五名曾汐社聞狂客長瑜原善諱酒

人孫楚早能軍對牀舊約愁聽雨異地思親獨望雲難得

讀書行萬里故山猿鶴莫移文

蕭閑堂坐雨口號

隱隱雷車走阿香遙天一半尙斜陽
茶聲滿樹拋書坐矮竹扶雲過短牆

再疊前韻和青臯并呈蘭甫丈

祕冊傳鈔到上清下簾蕭散愛君平
松陰格破苔低補井

檻泥窪菌寄生香界談經山芋火
病中喜讀西方書雨鐙搖夢水

洪聲青臯有水壯年一樣供虛擲
卻羨攤書萬里行蘭丈新自

都下歸

戲贈青臯

嗟君塵甑今十年齋時卓午無爨煙
撐腸空飽蒼頡字餉客絕少王宏錢
瘦羊博士更可憐持籌握算心悄然
萬金

顛倒擲虛牝三載縛束耕石田飄茵墮溷偶相值如風憐
目夔憐蚊文園賣賦苦不數儉牛牆東亦不惡關中自鬻
王猛畚市上去賣韓康藥古人遊戲何事無今我胡爲獨
不樂君本神仙許玉斧我亦清狂沈昭略蟠桃未熟三千
秋汗漫且作人間游債臺便足供作達娛老豈復營糴邱
寒山拾得兩窮士來牛去馬干王侯今日斷腸草昨日芙
蓉花東陵去種青門瓜畫樓曲柄彈箏琶空堂過眼棲飢
鴉掉頭萬事俱搏沙區區窮達勿芥蒂變滅任化風中霞
聶節亨字子嘉江西清江人貢生官靖安訓導有松巢

吟橐

贈見山寺廉眞上人

青山長對習趺跏
晝掩禪關一事無
衲毳捲雲懸破榻
藥

苗添火煉寒鑪苔深石罅穿浮蟻水闊亭陰睡野鳧時倚
欄杆吹竹笛數聲楊柳落南湖

擬陶淵明詠貧士

寶劍沈獄底龍光豈自呈良玉蘊深山不知光輝生蕭蕭
被褐士悒鬱多古情貌枯中自腴銜飾恥希榮知己惜不
遇澹泊守其貞欲取鳴琴彈明月上前楹

簡周宇安

袁江臘月夜飛雪萬頃玻璃散冰纈杈枒凍木繞江森孤
洲慘慘寒雲裂柴扉江岸舊爲家畫裏芭蕉映淺沙釣竿
久共羊裘老月明浦溆舟時拏形骸放浪無羈束忘機跡
已輕鷗熟不須句漏乞丹砂管領溪山一生足太華山頂
蓮花開人間富貴輕塵埃一樽許我醉醺醺高興直欲凌

蓬萊

林鶚字太冲泰順人貢生官蘭谿訓導有望山草堂詩

鈔

仿孫觀察詩和苙生見寄

記得去年無射月河橋分手上扁舟我吟錦瑟故多病君
抱瑤琴且莫愁漸近自然沙落雁於無相與海浮鷗可能
暫作羅昭諫也向谿山訪舊游

林用霖字亨父泰順人諸生官霞浦典史有望山堂詩

續

福州城樓晚眺感作

獨立攬晴空南疆此最雄波濤煙樹外城郭夕陽中碧海
渺何極白雲望不窮八州收鼓角閒數寺樓鐘

由京口溯流達金陵舟中作

一帆高挂鎮江頭路上金陵趁早秋元氣盪潮通碣石長
風分浪入瓜洲茫茫北顧雲山遠浩浩東流日夜浮積潦
未消頻欲雨楚天哀雁不勝愁

汪錫珪字秉齋長洲人貢生官江陰訓導分部郎中有

翡翠巢詩鈔

題潘順之落花圖

蝶怨鶯愁最惱人曲中金縷可憐春恨予已被桃源誤莫
共漁郎更問津

欲翦巫山一段雲幻空玉女散紛紛隨風吹到波心去紅
暈魚鱗綠縐紋

不斷晴波漾綠萍陌頭柳眼爲誰青從今妄作封侯想學

得長生種樹經

錢辰字秋潭號龠翁吳縣籍金匱人諸生候選訓導有

龠翁詩鈔

冷泉亭

不染塵外暄悟徹寰中靜湛若供目娛悠然極心領含風
澄翠微瀉日澹波影活潑有靈源幽迥絕凡境小坐虛亭
間欲汲憑修綆安得枕此流夢與泉俱冷

秋日感詠

涼風幾度吹庭草猶含綠秋色滿階除閒觀無拘束披襟
坐堂坳攜琴彈一曲自寫性中情恬澹何所欲人世如寄
生寸心重金玉境遇雖變遷由來在知足采菊持兩螯沈
醉忘榮辱

待旦歌

愁雲密布陰風吹一燈如豆花亂垂詎聞蟲聲鳴暗壁但
聽鬼哭哀且悲寒衾敲枕弗成寐披衣起坐彈雙淚星月
煌煌助日光欖槍入斗何時墜更有熒惑芒常明焚燹燭
天心屢驚可惜繁華盡焦土死別生離魂夢輕城開不夜
仙境縵揮戈回日魯陽杳喔喔狺狺時寂靜未央未艾夜
難曉初更二更倏忽過三更已倦來睡魔酒力欲醒眼尙
醉搔首踟躕喚柰何書生束手困無策唾壺擊缺劍空擲
雄雞拍拍斷續嘓竟夕引領東方白

萬同倫字仲桓浙江山陰人官兩淮運判有補蹉跎齋
詩存

清水橋

澗柳帶殘雨鳥聲說晚晴絮輕隨馬度村近有雞鳴兩岸
夕陽淡一谿春漲平山程慰遙役蒼翠數峯橫

潼關城樓

崔嵬天設險城闕莽風塵關勢連函谷河聲走孟津有能
望氣者留意棄繻人日暮危樓上悠悠作客身

旅夜

旅夜百憂煎病骨坐看塵掩匣中刀殘燈耿耿客無賴落
月茫茫雞亂號隔歲河流決瓠子幾時戰伐息臨洮淮陽
一卧驚春至種種羞將短髮搔

張仁渠字步堂蕭縣人諸生議敘鹽提舉有敬思軒詩

集

呂梁舟中

山色入新秋斜陽送客舟人聲爭渡口帆影落城頭古寺
紅牆隱清波白鳥浮深宵篷背看依舊月如鉤

張謙字吉甫蕭縣人諸生山東候補鹽大使有秋窗蛩

語

扶溝道中

破曉出扶溝遙天霧未收水痕侵客鬢寒色上征裘事業
渾雞肋功名愧虎頭早知行役苦悔不卧林邱

方玉潤字友石晚號黝石寶甯人官隴州州同有鴻濛

室詩鈔

登五華山望昆明池

偶覘井宿到昆華金碧光中望眼賒西去濤聲奔迅馬北
來山勢走長蛇連雲臺殿悲梁土落日旌旗想漢家客裏

登臨多感慨武侯祠樹亂棲鴉

全州節

爲知州曹某都司伍昌顯作

全州節誰最烈都司頭刺史血刺史守城苦無兵都司帶
兵愁遠別同是天家戮力臣相逢何必判優劣人肉食盡
鼠雀空弓靴煮爛思殺妾拊膺一慟外援斷無人不憾湘
灘月丈夫死耳庸何傷能爲厲鬼真人傑君不見睢陽城
內殺聲哀鄰境笙歌尙清越

冠縣令

爲知縣傅士珍作

冠縣令一家血染粵賊刃咸豐甲寅三月朔賊旗蜂擁來
何迅一礮已毀二黃纛忽復小旗揮四陣四陣四門亂雲
集常山蛇難首尾應回身巷戰賊盈衢隻手猶能戮梟獍
力盡成禽那肯屈張巡原抱男兒性旁有一僕親矚目先

砍公頭後公腹後堂烈婦並烈女五人同時遭殘酷猶幸
嬰兒屬乳母天留一脈繼良族吁嗟乎智者婢義者僕烈
者婦忠者牧滇南節義冠青牘

題伯牙臺

江風吹斷楚山青一曲泠泠思欲沈自古解人偏薄命從
來絕調少知音秋高雁落平沙遠夜靜龍吟大澤深誰信
靈弦多變徵荒臺戎馬最關心

徐鴻謨字若洲仁和人諸生官揚州府經歷有蒼荀花
館詩集

阮敬齋

克

慎齋

先

雲莊

充

招飲桑榆別業

沙隄曲曲柳陰涼中有裴公綠野堂

桑榆別業阮文達公歸田所築在甘泉山

東三十里公道橋鎮

恰好聲名傳第五

雲莊文達介弟

新詩驢背滿奚囊

波影山光共一樓西冷臺榭亦清幽

雨奇晴好之樓先相國文穆公手題在西

湖聖因寺旁

披圖我有飄零感

席間出萬柳堂圖屬題

孤負青山事客游

顧遜之字子異江甯人貢生候選訓導有燕貽堂集

西風

洞庭江上始生波嫋嫋西風怨薜蘿商信漸催華髮變涼
颺偏覺異鄉多梧桐葉寫懷人句鬢栗聲傳出塞歌莫怪
才人悲宋玉愁中時序易消磨

韓崇字元芝號履卿元和人官山東雜口批驗所大使

有寶鐵齋詩錄

窮士

窮士易為恩寸苗易為澤豈謂益盎微種松貶高節皎皎
雲際月磊磊巖下石懷璞弗自衒流輝乃同澈不易展氏

介已甚泄柳迫識曲誠有人雅歌奏清瑟

過弁山尙書廢園

月沼有波曾照影風亭無主倩誰扶
牆東瘦石如人立閱盡興衰一語無

經訓堂成書萬卷靈巖館闢樹千章
功名炙手才華盛付與游人話夕陽

錢壽昌初名棫字樸之上元人候選縣丞殉難有淮南

贖草

無題

爐煙裊裊透窗紗鬪草人歸日未斜
梁燕雙飛鶯對舞東風閒煞碧桃花

重九登第一山

數步到山寺滿園寒菜肥溪泉經雨活檐鳥傍人飛紅樹
葉初下白雲僧獨歸幽花隔年別相見尙依依

鄭襄字贊侯江夏人官太湖知縣有久芬室詩集

城東春望

散步無遠近幽懷相與清輕陰澹高柳野水拓孤城雨過
菜花爛風迴溪鳥鳴林居吾最羨安得老桑耕

蒙陰山店與鄧思仲夜話

四月南薰馬首東鞭絲同挂夕陽紅夢回十載塵沙裏人
老四山風雨中畸土琴尊餘濩落荒村婦子入饑窮與君
珍重臨前路勞雁遄飛何處蹤

晚晴移詩匯卷一百五十一終

晚晴詩匯卷一百五十二目錄

崔宜枚 二首

華長卿 三首

蘊秀 二首

清瑞 一首

張岳駿 三首

丁玉藻 五首

宗晉 一首

王茂森 一首

姚前樞 三首

姚前機 二首

張爾旦 三首

王慶楨 二首

王壽康 二首

陸初望 四首

陸懋修 二首

楊後 二首

蔣繼伯 二首

張家薰 一首

周衡 二首

史一經 二首

劉因之 二首

言娛卿 四首

倪偉人 六首

傅平治 三首

孫麟 三首

孫人鳳 一首

高塏 一首

吳昌榮 二首

黃金臺 一首

陳範 一首

陳乙 二首

鄔鶴徵 一首

王宗耀 二首

鍾樑 一首

曹士鉉 四首

黃源屋 一首

趙福雲 五首

鮑成宗 一首

鄺滋德 一首

樊東陽 一首

黃葆謙 一首

方鏞 一首

程蓮 一首

傅燮鼎 二首

潘茂 一首

汪以鉉 一首

黎光地 一首

周燮祥 二首

郭祖翼 二首

楊明上 二首

張焯 二首

程開鎮 一首

楊雲松 一首

丁傳煜 一首

馬敬之 一首

李星漁 一首

譚煥南 一首

黃誠 一首

李偉生 一首

李德揚 一首

潘定桂 一首

馮熾宗 一首

改琦 二首

一

二

三

四

五

六

七

八

九

十

十一

十二

晚晴移詩匯卷一百五十二

徐世昌

崔宜枚字詠齋霸州人諸生有小隱詩鈔

野望

淡月明空林寒雲隱危堞墟落寂無人蕭蕭下黃葉

蘇橋

紅樓一簇柳千條隔岸誰家紫玉簫好是曉風殘月裏送
人帆影過蘇橋

華長卿字枚宗號梅莊天津人諸生有梅莊詩鈔

張家灣題壁

木落西風起行人發浩歌河從蒲口淺樹到蔡村多寺古
留殘碣池荒剩敗荷張灣城北路雨後未曾過

九月初五日同沈虛谷昆仲游澣筆泉用壁上木蘭

山人元韻

清泉瀾瀾出方池與客登臨拜古祠一徑松陰秋雨後半
城柳色夕陽時從來我輩多耽酒到此何人不詠詩獨抱
幽懷誰見賞問天惟有謫仙知

隋山光寺

隋代山光寺開皇第幾年沿隄千畝竹隔岸萬家煙螢苑
悲荒草雷塘贖墓田老僧今在否汲井問甘泉
蘊秀字檢之滿洲旗人有靜一齋詩存

聽蟬

小亭斜坐近花欄碧樹清陰宿雨乾聽罷蟬聲風曳去綠
波深處夕陽殘

夜行

萬壑寂然山月墮
半天星斗夜蒼蒼
嶺雲不放鐘聲度
惟有松花一路香

清瑞字霽山蒙古旗人諸生有江上草堂詩集

天下第一江山歌

君不見長江之水岷源來
奔流到此不復回
又不見鍾山發脈三百里
直到金河截然止
其中突起地肺山
第八洞天雲霧裏
我曾舉手攀雲松
松間雲擁三茅峯
有時雲化一江水
片帆如在明鏡中
如此江山真第一
品題論定吳琚筆
西津無水不來潮
東向海門觀日出
六朝山影樽前收
一派江聲筆底流
左金右焦闕雙鬢
鬚玉帛朝諸侯
旣障狂瀾還對峙
卓然竟作中流砥
須臾霞彩映江飛
青

天倒轉作江底豪情高唱大江東披髯一笑來清風風流
絕代蘇玉局天下古今無此翁天關名區住名士稱此江
山樂無比更有中冷第一泉閒來試向松風煎對此江山
選名勝幾人搔首問青天少陵無人謫仙死天縱狂歌誰
繼起起看江月照江清淘盡英雄是此聲古今不少眞才
子有如一去長江水

張岳駿字端甫無錫人貢生有張端甫遺藁

詩話端甫與侯子勤同爲梅伯言弟子工詩古文
辭深鬱有奇氣詩嗜山谷然不苟作故存者絕妙

八達嶺

莽莽塞雲橫荒山匹馬行石林騰虎氣霜日慘雕聲野果
亂紅落陰蘿疏翠生當年征戰地辛苦渡河兵

簡陳懿叔

踵箕隘巷擊轂行巷南巷北居兩生一生覓句一校經天
寒同聽輾冰聲朝來暝日醉虛白繭足駮瘖行不得並門
十日疏過從恍若千山萬山隔

祀竈夜宣南寓齋卽事

爆竹一城沸鎧花獨夜寒客愁催臘鼓鄉味入春盤積雪
窗光皎堅冰屐響乾頗聞烽火息不惜酒杯寬

丁玉藻字采之無錫人有西神山人詩鈔

詩話采之以廉吏之子弱冠工詩瓣香少陵而兼綜
眾體尤好王朱二家筆力與李繡子相近每有所作
冥搜累日小有未安不憚數改同時曾賓谷郭頻伽
張南山盛稱道之陳蘭甫論詩絕句云循吏而今有
子孫江天吟嘯布衣尊西神一集才
如海肯讓更生與悔存謂采之也

寄暢園步月

夜出漪瀾堂微風散林樾簾開螢影度屐響蛩語歇遙愛

水荇花清芬媚涼月

鄱陽早發

榜人鳴銅鉦素舸侵曉發江月皎猶在村雞號未歇蕭然
此時意軒蓋定何物卻憶芝山巔匡廬坐超忽董生昔高
蹈於此采薇蕨繁我行役久故鄉渺難越終當返西神陽
阿夕晞髮

宿天堂墟寄徐鐵孫

榮陳仲卿

曇尙秋湄

維鑒鄒雲

客

文鷺

徐子遠

灝

蕭欒軒

思諫

陳子彝

曾修

梁松

甫

春齡

驚飈捲孤蓬悽愴游子顏夜深荒山道星斗方闌干男兒
事行役豈復畏險艱野宿近熊館四顧無人煙時聞潛狙
行颯颯林莽間茅茨一罇酒敵此衣裳單疲茶不遑息朝

曦上簷端游魚思故淵飛鳥思故山風波一失所惆悵何時還念我同袍人塌然摧肺肝

觀兵

捷書傳楚塞使相議征蠻伏莽熊皮甲簪花鹿角鬣炎風生萬竈殺氣動三關莫學滄涯水東流更不還

送嵇戊門

翰

之東莞

禹山秋色遠送爾去何之落日雙忠廟寒花九姓祠家貧爲客久身賤得名遲余亦同茲難紅亭酒莫辭

宗晉字麗生常熟人諸生有揖山樓詩

虞山秋眺

浩歌登虞山雨意恰初醒縱目翠微巔浮雲四圍盡風高海有聲日澹湖無影并作乾坤秋濛濛接西嶺

王茂森字雲浦號梅隱常熟人有梅隱吟草

詩話梅隱幼孤貧無所藉供役虞山書院
可灑掃啟閉好吟詠一時士夫咸樂就之

自詠

一枝秃筆半牀書幾樹梅花伴竹廬
養性未應親市井託身何必遠樵漁
閒看丹嶂塵心淨久讀黃庭世念疏
又是一番新雨過藥苗階下帶煙鋤

姚前樞字古然金山人諸生有紅林禽館詩錄

石梁觀瀑歌

曇華亭上風浪浪曇華亭下波湯湯
石梁一綫瓦縣邈銅殿銅塔遙相望
跳波激浪息萬籟飛泉澎湃調笙簧
似嫌水勢太平直中流故遣山屏當
山石搏水水愈怒奔騰偏與山低昂
何年猛士拔劍刺山裂傾翻萬頃玻
璃漿不然

捲起天河倒瀉地明珠碎玉滾滾隨銀潢耳聾目眩魂魄
悸彷彿神仙鸞鳳參翱翔我欲乘風振袂起拋撇下界驅
神羊洞天卅六徧歷訪藥鑪丹竈求真方天風吹我衣涼
瀑濺我裳同游促歸去四顧心徬徨山靈笑我志不決俗
骨未化徒自狂飄然撒手下大荒棲真何日尋仙鄉

拜經臺

去天尺五高世外得奇境挂腳萬山低舉頭片雲靜挺枝
松盡蚪禿頂楓半癭龍目炯炯光澄澈驗雙井恐有神蛟
潛變化出俄頃石屋闢磊砢鐙龕潔以整枯僧不知年塵
緣久徹屏老鶴爲守門露涼時一警天風吹冥冥巖花襲
裾冷空翠淡欲無夕陽散遙嶺

寄堅香弟都下

燕臺五載惜分飛
芳草西堂舊夢違
便著舊時衣也得古
來畫錦幾人歸

姚前機字省于號堅香金山人諸生有井眉居詩錄

歲暮寄從子詒孫

燕穀

衝寒犯雪尙間關
聞汝年來鬢亦斑
骨肉無多癡叔老
聰明有限稚兒頑
蠟銷鐙背垂吟淚
酒凸觥心照醉顏
賸我孤身還是累
呵融凍管賦囚山

夜坐感秋和一峯韻

檐雨幷風就枕遲
怯涼換簟費搢持
難醒易醉杯中物
有尾無頭夢裏詩
久客每思歸亦好
得閒恰與病相宜
茶溫香燼吟聲細
此味孤鐙許共知

張爾旦字眉叔常熟人有種玉堂詩橐

落花

吹開吹落只恁恁怨都難問曉風細草自黏殘雨碧斜
陽猶照別枝紅傷心茵溷皆前定瞥眼雲泥判此中三月
汀南春似海斷腸知有幾人同

題蔣伯生丈所藏錢東澗東山唱和圖

文室香鐙旁翠微維摩天女宛相依吟成花雨繽紛裏應
有迦陵作對飛

檀板金罇不遣悲落花風悄鬢絲吹新亭幾點殘山碧看
罷滄桑替畫眉

王慶楨原名慶桐字維周號薇洲上海人有養和山館

遺橐

詩話薇洲詩清遠閒放時見超拔吳江張春水謂其
警峭之句足以遠接劍南近攀甌北微屬過譽但斷

句多佳要
不可沒耳

消夏雜詠

閒卻凌雲筆一枝藕花香裏且吟詩平生心事無人會說
與沙鷗儻得知

庭院深深小閣幽飲思亭畔綠陰稠四圍種得千竿竹偶
有風來便似秋

王壽康字二如上海人有自鳴橐

潮音閣

塔影倒穿水楊枝柔卧隄帆隨雲氣化天欲樹頭棲煙景

涵峯泖濤聲賽鼓擊不堪憑弔處墨妙感留題

寺中藏有李存我先

生淡月藏煙
四字真蹟

題陶雲汀中丞采石登樓圖

信有豪情壓九州
攜樽來上謫仙樓
摩天塔影雲煙護
繞郭江聲日夜流
虹影遙分千里月
蟾光靜抱一湖秋
賓朋較似梁園盛
憑賽神仙聚十洲
陸初望字文泉陽湖人諸生有懷白軒詩鈔

春雨初霽泛江遣興

孤帆江上夕陽回
一片晴雲覆釣臺
山色濃於初釀酒
詩心淡到半開梅
人無風骨才何用
世有知音念不灰
似此煙波無限好
閒愁排遣且銜杯

早春登銅官山簡莫劍池

千林紅尙勒萬岫綠纔勻
得句肱三折探幽膽
一身澗泉猶太古
蕭寺亦陽春
高士名山住襟懷迥出塵

怪石歌

鄱陽湖邊停短橈登山山石森岩堯纍纍奇怪相轄轆便
逢名畫難爲描飢鷹側翅摩九臯怒猊攫爪窺雲坳立者
如鶴伏者獠澗邊卧者如潛蛟忽如達摩航海濤忽如老
父穀城遭手擎一卷疑兵韜又似鍾馗披錦袍奇醜不畏
旁觀嘲就中獨具天仙標翩然鬢髻誰刻雕得無思婦魂
未銷望夫佇立丰姿嬌我聞古人聯石交皺瘦漏秀聲價
高似此怪狀羅煙霄古人相石徒皮毛

舟過滕王閣

游子浩然歸故關浮生不及水雲閒長江孤棹飄零酒古
驛斜陽破碎山夢裏慈親添白髮秋來病婦減朱顏滕王
閣下思風伯肯借帆風頃刻還

陸懋修字九芝元和人貢生有嶺上白雲集

示袁生上池 開騏 三十二韻

君相重調燮聖賢廣施濟以此免天札斯道豈不貴厄言
歎日出至理久蒙昧靈素非異書談者乃深怪六經分南
陽首重在營衛苟先傷寒明雜病自能治河間論溫熱仍
不外斯義子和示三法不過充其旣降而及李朱非各自
爲例升陽與滋陰兼此義乃備惟其不貫通乃若有軒輕
謂非南陽知母乃非正議胡爲今之人一一昧所自或作
蠶叢觀或等瓦缶棄數味合一方數方合一劑所據但病
名視竟同兒戲我豈敢異人人自與我異奈何一稽古譏
評輒儕輩尊公獨虛衷於我有同嗜命汝棄俗學執經願
請誨假館汾湖濱一室喜相對奔走慨頻年丹雘愧久廢
何敢妄相師相長亦交賴爲檢肘後方共洩枕中祕不憚

理窟搜豁然冀朝晦庶幾軒岐堂窺尋得徑隧聖道若康
莊馳驅本無礙法守在吾徒詣力願無懈果有益於時亦
爲盛德事自待苟不卑焉肯薄方技瘡痍賴以平所關豈
云細一子令知醫吾識尊公意

丁卯初夏薄游黎里南去二里許曰鴨闌涇東西兩
小村有天隨橋架其上卽魯望鬪鴨闌也感而有
作

汾湖水接禊湖濱復此煙波作隱淪席帽仍爲孤往客鶯
花莫笑不歸人管甯久坐常穿榻郭泰微行自墊巾便擬
天隨橋畔住藥闌長傍鴨闌新

楊後原名得春字師山號柳門上元人諸生有柳門遺

藁

田寶應縣舟行夜抵淮安

午發白田浦夜抵淮陰城川途廣且修榜人銳兼程前以
百丈牽上有孤帆橫不識所經路惟聞風水聲黯黯殘月
白淦淦寒雲生人語出煙樾篝火深叢明紈如戍樓鼓壯
哉湖防兵宇內正多事此地能宵行瘡痍會掃蕩四海期
昇平

萬安亭晚眺

曖曖夕陰起漠漠秋煙霏北風捲地來落葉皆倒飛雞犬
識其主一一還柴扉水底多綠苔下有寒魚依林鳥倦知
返高樹巢斜暉萬族欣有託予獨無家歸睠言顧城郭涕
下霑裳衣

蔣繼伯字曉瀛江都人諸生有曉瀛遺藁

詩話曉瀛叔起兄有朱生錦從之學幼慧死於水
爲文祭之叔起歎謂惠連古豕之作不是過也

茅屋

歎息兵戈擾擾中得居茅屋未奇窮不能種秫從陶令且
喜移家似葛翁白板扉開桑柘外紅榴花映菜蔬叢干將
在匣非無具擬向淮南事八公

得華甥書

蓬門無事懶巾車日日清齋足野蔬傲俗已甘牛僧飲開
緘忽見豹奴書雲低淮甸山如墨春入燕臺雪滿渠爲問
騎驢京國客賞奇東觀近何如

張家薰字調甫一字梅生江蘇華亭人有曼陀羅館詩

鈔

登西林寺塔同雪庵兄

家鼎作

西林寺塔千雲霄盤空一氣風蕭蕭
握衣納級鼓殘步豁然開朗忘塵囂
九峯羅列如屏障尺水春申在盆盎
阿兄指點赤松溪日極雲煙不可狀
鐘聲隱隱腳底來七重欄楯蓮花臺
乃知西方象教力能使俗念須臾灰
市聲鴉鵲都寂靜寰闡誰知有真境
鈴語頻催歸去來夕陽已下青松頂

周衡字次夫上海人有寶德堂詩鈔

二月十五夜舟中望月

春光九十半虛過錦瑟年華送綠波
惆悵曲阿城畔月照人惟有別離多

搔首

搔首踟躕日無言對暮雲書從江上去
春向雨中分蔓草

滋吳苑樓船壯楚軍老成徒遠慮輿論正紛紛

史一經字研餘溧陽人有洮漁遺詩

窑灣阻雨

颯颯風聲雜雨聲旅人枕上最分明寒缸欲炮鐘初動一
片鄉心夢不成

入藤縣

山豁平原出沙含淺水明遠煙生野店寒日下孤城村果
收紅柿園蔬鬪蔓菁因知遺俗厚向晚有人耕

劉因之號偶峯江甯人有蟻餘偶筆

朱藤

蝶蜂紛午架花氣濃如醺層陰覆四匝唾綠化爲雲鋪席
飲花下飛英落芳樽舉酒和花食可以醉吟魂

冬夜檢書得舊詩彙選錄之

清夜人無寐寒簷月漸西凍凝鐙焰小冷壓柝聲低撰粟
煨餘火翻書檢舊題數篇鈔未了鄰舍已雞鳴

言娛卿奉賢人有有竹居存彙

春江詞

天際桃花水年年向海流東風吹客去相送幾登樓坐惜
江波晚參差碧葉浮誰封三百斛遠寄董糟邱

春暮吟

江城玉笛飛春寒芳草夜綠天南端韶華彈指逐流水滿
袖春風吹紫蘭少年行樂未應晚鳴箏不惜爲君彈樓頭
一曲東風喜簾幙重重自捲起當門烏柏嘶紫騮經過臣
里東家子十千買醉頽玉山當壚歌哭誰知已醉呼明月

明時余言四卷一百三十一
凌滄洲海水可煮人間愁碧城落花昨已掃彩雲飛下白
玉樓明鏡朱顏豈長好當筵且脫千金裘東風飲汝一杯
酒莫遣桃花笑不休

北固

金焦鼎峙海雲橫山勢西迴鐵甕城六代風煙鎔石壁五
州鎖鑰枕江聲樓船夜嘯南徐市畫角秋嚴北府兵遙望
佛狸祠下路神鴉社鼓舊連營

江介西風日夜聞城頭落葉草紛紛楚天蕭瑟秋無際吳
渚微茫望不分潮落黿鼉沈海氣霜清鷹隼下蠻雲蒼然
暝色淮東滿獨倚危欄到夕曛

倪偉人字倥侗祁門人諸生有輟耕吟藁

詩話倥侗久困場屋以授徒自給
幕游大江南北詩爲時流所稱

白門秋望

魏我層堞俯晴溪極目金陵落照西江到石城千派合山
圍天闕萬峯低嵐煙翠迴餘龍氣玉樹歌殘咽烏嘯莫問
古都舊時事六朝宮地草萋萋

懷湛二海州

青楓颯颯草斑斑舊雨天涯且未還況是別離千里外更
無消息十年間秋風迢遞田橫島海色依微孔望山顧我
相思自憔悴羈人應改去時顏

金舟夜寒

寒月挂危檣驚波下大荒秋風千里雁碓杵萬家霜獨夜
看長劍疏鐙倚隱囊何人吹玉笛愁思亂江鄉

江東

將才尊向寵先帝數稱能雙節願新命千軍入秣陵名高
欺白馬氣激感蒼鷹遙看行營處飛鳥避羽矰

楚北溯屯營江南待用兵承恩先錫號討虜舊知名風勁
喧金鼓雲寒護玉旌儲胥連九井爲抗石頭城

福州晚眺

別夢伶俜感絮飛行吟閒付野薔薇山迴平楚春陰散水
抱孤村晚渡稀向浦蛙聲催月上投林鷓影擁雲歸天涯
故舊長相憶徧倚東風望翠微

傅平治字安如登封人諸生

江行晚眺

滔滔波浪湧隔岸夜猿嘯秋老風偏密江遙路欲迷帆隨
孤雁小山入遠天低隱隱林叢裏依稀見古隄

早發

微寒秋倍爽宿雨一帆收
初日破潮出晴江背郭流
雲遮山外塔人住水邊樓
指點汀洲路忘機狎白鷗

江上別友人

遠送行舟酒一尊離人秋日最消魂
目極征帆隨客路心同去雁到家門
白雲紅葉山邊寺流水夕陽江上村
花月何年更得聚重將舊事細推論

孫麟字蘇門錢塘人諸生有秋嘯堂詩藁

落梅

誰家一笛怨東風春遠孤山鶴
唳空殘雪蹇驢人去後小橋流水
月明中縞衣夢斷沈沈夜粉壁香
消九九紅曾說當年修不到又看
桃李鬪春工

新晴

斜照拂簾影清風度檻微落紅不忍掃春色上羅衣沽酒
出山市賣花人未歸迴看芳草綠蝴蝶滿園飛

初夏雜詠

不覺紅英盡還看碧蘚侵方塘生水氣斜日轉庭陰俯仰
愜天趣清虛涵道心幾竿新竹長煙雨護深深

孫人鳳字翔伯錢塘人諸生有復見心齋詩草

子澄示西湖雜感諸作答以五律

百物有興廢金牛去渺然人心遺愛在天意劫灰捐荒冢
多新鬼空山少杜鵑歡顏先我輩春上載書船

高塏字子才號爽泉錢塘人

題韓小米日華揚州畫舫詞圖

公子今詞客清才擬謫仙歌成紅豆曲人對綠楊天豔洗
芙蓉水香生芍藥田好留佳句在莫讓古人傳

吳昌榮字嘯江嘉興人諸生有登嘯集

讀兩漢書雜詠

沙中偶語坐斜曛雍齒侯封解眾紛卻忘焚身功第一黃
金未鑄紀將軍

直言悟主表孤忠白首爲郎將略雄每飯何須思鉅鹿忘
教魏尙老雲中

黃金臺字鶴樓平湖人貢生有木雞書屋詩集

湖上秋泛

湖水淡秋影曉涼移畫橈好山皆繞郭疏柳不藏橋篷底
一尊酒樓頭何處簫汀洲采芳杜殘夢碧天遙

陳範字道葦蕭山人有對牀樓詩橐

渡江

山月欲落雞始鳴西興埭上行人行爭曉沙頭候潮去水
鄉八月秋風生海水東連浙江渡滅沒寒煙不知處潮平
擊鼓下中流回看蒼蒼故陵樹

陳乙字振雯號藜閣一號小政平陽人貢生有鳳研齋
存橐

雨中登浩然樓

飛樓何巍哉突兀峙孤嶼曠望臨中川微雨散洲渚空濛
鳧稍飛蕭瑟潮愈怒卻眺大江流鯨波一何巨蛟龍盤躩
踞日月相吞吐憶昔文丞相英風照巖戶當年起赴義驅
羊搏猛虎一聲白雁來四鎮議終阻氈車已北行二子在

何許流離寄一舟，殘軍謀保聚。滄海盡橫流，江心作砥柱。
五坡一喪師，崖山摧風雨。柴市致命日，且傳臨終語。斯人
跡已遠，初地餘祠宇。梵唄流空山，花藥覆平圃。風物隨變
遷，正氣留終古。拂衣重徘徊，經堂罷齋鼓。

雨後

空山微雨後，孤閣夕陽沈。新月出雲際，清風生竹林。蕭蕭
涼意足，寂寂小窗深。習氣難除卻，難檠伴獨吟。

郭鶴徵字雪舫浙江山陰人諸生有吟秋樓詩鈔

送蓮舫先生謫戍伊犁

絕塞崎嶇道路難，九邊風色萬重山。好從博望探河曲，終
見班超入漢關。大漠驚沙盤馬足，高天明月指刀環。策勳
自効他年事，莫遺霜華點鬢斑。

王宗耀字恂德號荀石鄞縣人諸生有願學堂詩鈔

漫興用東坡東武與人往反粲字韻

我生如行路百里可居半佳境思漸入往往得驚歎此後
將安歸甯復堪把玩過者盡陳因來者方聚散豈無三數
人尙與我同伴同伴問何爲寂寂守昏旦行或事鋤耘靜
不離几案有時相晤語祇覺方寸亂人情可欣悅要如薦
方盥絃弛不欲聞多病音節緩更張豈無術好歌續珠貫
邊雲響未成折楊興又懦復然望寒灰寸燄依屑炭歡顏
庇廣廈勞心屬旅館偶逢扇暍涼非私負曝暝豈如東人
子但誇衣粲粲

和東坡虞姬墓

如此鴻溝負約何美人留得楚山河讀書名姓真麤記一

喚虞兮便不磨

鍾樑字山橋秀水人諸生

秦駐山歌

留侯椎折秦副車惜哉此行不擊計議疏博浪車行疾如
駛那比斯山巖巖嶺岼皇駐輿駐輿意不樂海山仙人排
雲落鞭石驅海戴六鼇蛟龍潛窟不敢攫我聞茲游事在
三十有六年鮑魚遺臭踵不旋胡爲運終夢戰爭海神震
懾巨魚驚又聞阿房起宮殿東南財賦搜括徧斯山斬伐
詎有遺木魅眩暘喋血疑從輦前濺嗚呼祖龍計亦拙咸
陽此來成永訣重瞳之炬大海愁急湍拍岸聲聲含嗚咽
君不見山之絕頂鷹爲窠鷹瞬閃爍如催梭電光一瞥千
里外雙眸炯炯爲皇東向詞豐沛

曹士鎡字思復號芝泉又號藥君嘉善人諸生有湘蘭錄

宿峽口題壁

峻絕仙霞嶺雄關踞上游萬竿新竹解一路野泉流古殿
招雲住斜陽隔樹浮深山涼雨後五月木棉裘

明日阻雨不發再留一首

欲與山靈別山靈不放回溼雲吹作雨澗水吼如雷捫壁
尋詩句開襟倒酒杯浮屠桑下宿臨去重徘徊

書所見

了頭小女十三餘楚楚風姿畫不如山似黛痕波似鏡把
竿閒釣子陵魚

寄九弟菊辰

畫箇清宵立月圓
思家我與少陵俱
可將詩句先題好
寄到榕城寫入無

黃源屋字左泉號克齋餘姚人有鶴枝軒牘橐

讀杜工部集偶成

浣花書舍一儒生
太白齊驅海內驚
稷契自期匡北闕
唐虞難再痛東京
雄心射斗凌千古
健筆如刀破百城
天矯屈盤同檜柏
千年化作老龍精

趙福雲字耦村浙江山陰人有三惜齋詩集

夜歸

疏雨歇殘響涼月澄清輝
步履出蘿徑微寒生客衣
沙隄一痕白積水搖參差
野花送微馨夜靜方得知
幽居隔塵境興盡還柴扉
秋聲打門急落葉隨人歸

揚州

紅橋二十四空憶杜司勳明月長如此簫聲不可聞江船
懸夜火隄樹卧春雲一棹平山外楊花似雪紛

入終南山

飛鳥不能渡盤空一騎來峯頭撐積雪石腹走驚雷呼吸
諸天應功名捷徑開終南山萬仞擲筆待仙才

仙姑礪

畫眉曉春山木香懶雲窈窕扶紅牆妝樓一角夕陽冷寶
鏡搖魂墮蟾影雙蛾掃綠參差光苔痕繡蝕輕羅裳銀波
溼地花枝舞珠淚橫斜織秋雨刺天石骨青磷响螺旋蟻
折愁行人芙蓉劈碎斷厓裂倒捲銀河千尺雪靈風颯颯
迴蜺旌夜半月落金雞鳴

咸陽題壁

柳絲青溼雨纖纖
蕢酒旗亭駐客驂
欲唱渭城哀怨曲
舊人無處覓何哉

鮑成宗字維城一字雲石瑞安人諸生有摘星樓詩存
自蓮花洞至白雲寺

兩崖如伏獅鳥道通一縷
侵晨理輕策過此日停午小洞
纏枯藤十步忽一俯以手捫膝
行徑逼寒慄股出谷見晴巒
巒奇勝紛堪數白雲不可留
片石自太古須臾老僧歸邀
我愜所取飛瀑走澄潭咫尺蓄
雷雨對此羣動空猿鳥足
賓主薄暮探杖還秋煙渺遠浦

酈滋德字昌言號黃芝諸暨人有半情居集

雙龍湫歌

明齋詩話卷一百五十一
仙人身披芙蓉裘笑騎白鶴闖山頭手中綠玉九節杖下
窺瀑布雙龍湫東湫老龍寒方蟄殷雷溯渤起虛室珠簾
千尺挂秋風倒捲寒光瀉斜日西湫亦是龍所宮一潭皎
潔正當中冷猿抱月嘯青雨噴雲吐霧連鴻濛匹練古今
長不改神物護持煩真宰蓬萊三度早揚塵眼中還見雙
湫在天孫簫鼓彩霞開明璫玉女春徘徊回頭大笑人間
世短歌一曲歸去來

樊東陽一名貞凝字碧渠黃岡人諸生有碧渠集

出游

振衣上孤艇偏與塵世隔游山先泛水水上山歷歷人影
水滌盡始合山雲色石島裂古紋竹潭搖深碧流轉帆正
順山迴艣又逆水如作文字有曲方能直不知幾滌澗便

到溇陽驛

黃葆謙字子嘉武昌人有讀未見書齋詩鈔

對月

明月出東嶺萬籟倏已靜庭樹含清陰微風弄花影羅衣
生夜涼仰視星漢迴美人渺煙水蘭室黃生茵瑤琴恥獨
彈知音空引領悠悠積寸心一夢江雲冷

方鏞字笙甫黃岡人優貢有笙甫詩鈔

旅館不寐

涼風起日暮木葉莽蕭蕭高館一燈悄故鄉千里遙蟲聲
寒古壁蜨夢醒殘宵明月不知處離愁空酒澆

程蓮字友青號魚溪嘉魚人諸生有借止廬詩存

飲朱秉庵宅送少白歸華容

歸舟重過我杯酒復觴君白雨昏天末紅爐暝夜分來從
茅口路去卧洞庭雲別後還相憶翹望到日曛

傅燮鼎字鐵椽崇陽人有我泉集崇質堂詩稟雪浪餘

音

溪上懷人

清溪日夜流客去幾時返溪前萬疊山相對柴門晚棲鴉
拂岸低翔鷺依天遠浩歌無人和悵然念嵇阮

山村

蒙密松陰日未斜旋聞犬吠得人家西風滿路墮如雪無
數山村茶子花

潘茂字志華江夏人

北固秋望

秋色千家帶郭昏英雄已矣霸圖存赭衣舊厭秦皇氣黃
鶴空招宋玉魂夜冷一鐙懸佛閣月明雙旆閃軍門年來
海國樓船靜尙有如山鐵騎屯

汪以鉉字仲閱江夏人諸生有鏡秋閣詩彙

讀孫芝房漆室吟

華嶽衝天起黃河倒海來文章如此壯家國亦同哀寒燭
滄江夜春花浴下杯吾儕何所慮已有中興才

黎光地字環齋益陽人監生有雲廬山房初稟今吾集

溪上

輕衫短策趁春閒草長平蕪綠滿灣恰有橋通煙外店更
無雲掩雨餘山誰家新燕同人語一任流鶯笑我頑如此
風光渾領得不妨著向畫圖間

周燮祥字叔和一字調臣湘陰人諸生有玉池山樵詩

鈔

歸路

故人慘相別歸路幾盤旋斜月夜將半疏鐘僧未眠猿嘯
沈野色犬吠入溪煙林壑自朝暮此心殊悵然

紅葉

楓相千行夾道周滿林紅葉映江樓梅花未發黃花謝賴
爾彌縫一段秋

郭祖翼字芭泉善化人諸生有雨福山房贍草

風雲亭同周芙汀夜坐次芙汀韻

曲徑穿林滑孤亭得地偏池光團作露山氣動如煙疏簟
偃涼月枯琴韻澗泉清歡能幾輩莫惜醉銀船

九日登玉皇山

猿鶴何勞漫見猜，偶隨同隊踏崔嵬。
路從落葉堆中辨，人自羣山缺處來。
石筍屢妨游屐折，菊花多傍客筵開。
題糕無句酬佳節，權向西風醉一回。

楊明上初名林翰，字旭初，號漁皋，甯遠人。諸生有辨儒

堂詩集

立秋日自瀉泥濶至雞鳴坳亭子

甕底青天動，連山入甕青。
天光開一角，山翠壓孤亭。
涼鬢驚秋到，枯蓬感涕零。
行人歌互答，愁絕不堪聽。

四泉山小憩

暫得偷閒坐，心清境亦清。
窗銜孤塔影，門掩大江聲。
明月懷前世，梅花記後生。
眾僧如舊識，相對不勝情。

張焯號小蓴沅江人有巢睫吟藁

憶夢

遽然一夢洞庭西水滿沙平雲腳低塔影湖光舟自渡春風十里綠楊隄

聞雁

千里雲山信到稀嫩寒和雨浸春衣潯陽戎馬無消息又在邊城送雁歸

程開鎮字如崧號靖侯漢川人諸生有小竹園詩鈔

題墨龍

驚風拍岸勢漫漫大地真成墨一團直使乾坤留渾沌故教雷雨供波瀾爲霖天許昂頭近出岫雲都住腳難飛上禹門人不覺依然壁上等閒看

楊雲松字升之一字鶴皋湘潭人諸生有竹舫小草

池南雜興

鑿石通幽澗連筒納沃泉平渠波展鏡夾岸柳飛絲射鴨
青絲繳沽春白打錢雅游吾未倦乘興過前川

丁傳煜字笠田華容人諸生有春柳堂詩鈔

舟中秋夜望星沙

楚天圓魄朗深秋永夜征帆鏡裏游一帶炊煙雲外樹萬
家鎧火水邊樓干戈未罷蠻兒戰絃管猶聽越女謳自笑
頭顱嗟老大衡湘年少盡貂裘

馬敬之字悔初湘潭人諸生有四待軒詩鈔

雪釋

雪釋溪流急煙凝暮色幽鐘聲松際寺鐙影竹間樓踏踏

身猶昨縱橫願未酬何堪更春景取次赴閒愁

李星漁字季眉湘陰人諸生有觀香室遺藁

輓湖南提督塔將軍

齊布

嗚呼將軍今已矣遺恨茫茫大江水紅巾未滅老母存熱
血滿腔心不死素輿丹旄潯陽來千人萬人同一哀東南
半壁更誰倚擎天失此非常才憶昔蟻賊攻潭州觀戰日
上孤城樓鮑公帳下見顏色早驚英氣橫高秋在楚奇功
難具述作廟報之薦芬苾忠魂恍惚深夜歸靈雨瀟瀟風
瑟瑟

譚煥南字靜甫新化人諸生有棗軒詩草

夏晚卽事

萬壑蒼茫天暝時山高月影來樓遲隔鄰幼子讀桃葉薄

醉老翁歌竹枝
蝙蝠檐牙避夜雨
蜘蛛屋角添晴絲
小姑呼伴采菱去
一派笑聲喧碧池

黃誠字伯光號月崖善化人有晚香書屋遺藁

柳浦道中

故鄉日以遠
客路尙漫漫
薄暮村春急
前谿野燒殘
灘聲晴似雨
水氣夜生寒
舟子饒風味
春蔬當晚餐

李偉生字鹿門成都人諸生有邃謚軒詩草

送李養田

綠波兼碧草
欲別悵悽悽
夜雨洗山色
春風送馬蹏
我情同水遠
人影入花迷
門外餘行跡
深深印雪泥

李德揚字芳谷縣竹人諸生有聽花吟館詩藁

春寒

春寒晏起篆煙留一桁湘簾緩上鉤浪簸飛花圍曲沼風
掀猛雨入層樓傍人悄宿棲檐蝶逐婦紛嘒隔竹鳩天欲
放晴還似吝開箱重檢木棉裘

潘定桂字子駿號駿坡番禺人諸生有三十六村草堂

詩鈔

春夜

殘春天氣似秋涼新筍抽梢綠過牆客去庭空人盡後白
蟬花上月如霜

馮熾宗字穀孫南海人諸生有凌虛閣詩草

山行

山行不知遠幽尋渺無極四山皆白雲漠漠寒煙積茂林
無停颺清露忽成滴數里入丹楓千年卧古柏散髮對夕

陰此意誰能識忽聞遠寺鐘一聲度空碧肯負邱壑心我
生幾兩屐

改琦字伯蘊號香白又號七薌江蘇華亭人有吳越紀

游詩

詩話七薌先世出西域其大父沒於王事移家雲間
工畫最長士女間作折枝花娟秀如生長於荷聲有
玉壺詞題畫亦自署玉壺外史

雨中

金陵獨客坐江城況復鳩嗉不斷聲夢裏家山今日到春
來風雨幾時晴湖頭水漲平橋綠溪上雲來貼樹行寂寞
未酬登覽興扁舟回首若爲情

湖上晚歸

湖中風景足流連暝色如何促畫船欲借危峯撐住日怕

將柔艣盪開天鳥嘯花落雨初歇水闊春深風更顛回首
鳳凰山上路斷煙荒草正悽然

晚晴錄詩匯卷一百五十二終